

6.3 243









VITVS RIEDLINVS VLMENSIS
PHILOSOPHIA ET MEDICINAE DOCTOR.
PHYSICVS AVGVSTIANVS.

D. VITI RIEDLINI,

Ulmenfis,

*Physici Auguftani atq; Academici
Curiofi,*

ITER MEDICUM,

Sanitatis recuperandæ

caufâ non folum institutum,

Sed &

feliciter DEI gratiâ finitum;

Cujus occasione

tum morbus Auctoris, & quæ circa
eundem contigerunt,

*tum plura alia curiofa & utilia
communicantur.*

Cui annectuntur

GEORGII RIEDLINI,

Quem Auctor Avum habuit,

OBSERVATIONES

Chirurgicæ rariores.

Auguftæ Vindelicorum,

Apud LAURENTIUM KRONIGERUM,

& Hæredes THEOPHILI GOEBELII,


Typis Abrahami Guggeri. 1702.

DEO
T. O. M.
UNICO ATQUE BE-
NIGNISSIMO SOSPI-
TATORI

967^{s.}



BENEVOLE LECTOR !



Medico, Et ut sibi ipsi medicaretur, institutum, quodq; plura medica suggessit Iter, hoc quoq; nomine commode insigniri potuisse, nullus quidem dubito; qui quotidianis laboribus assuetus hosce nec itinere, nec sub balnei usu omnino seposui, Et dum, quæ quotidie notatu digna observavi, in chartam conjeci, præsens inde enatus est Tractatus.

In quo si quædam minus Tibi arriserint, minusq; polita videantur, in Itinere versantem, nec semper integra gaudentem sanitate scriptorem facile excusabis.

Invenies tamen in paucis hisce paginis, quæ mentem recreabunt, quæ, nisi



hic detegerentur, perpetuo silentij peplo involuta mansissent, quæ in morbis quibusdam curandis Te non parum juvare poterunt, quæ causas horum magis detegent, quæ ad sententias quasdam adhuc controversas dirimendas aliquid conferent, & quæ sunt plura alia, quæ hoc Iter non prorsus frustra evulgatum fuisse, nec usu suo carere, testabuntur.

Curarum mearum medicarum integer millenarius interea jam sic ad finem perductus est, ut, quamprimum sumtus suggerenti placuerit, in lucem edi possit; sanitateq; Divinâ gratiâ recuperata sic continuo labores meos quotidianos, ut plura olim quoq; promittere ausim, modò DEUS vitam prorogaverit, & in posterum sicut hætenus qualiacunque mea scripta bonivolum Lectoris experiantur judicium: quem nunc Valere jubeo.

JOVA



JOVA JUVA!

OMnes equidem Creaturæ ^{Aqua} laudant Dominum ; Et ^{laudet} ^{Domi-} ^{num.} inter has præcipuè *Aqua*, quoque, à qua quia omnia reliqua originem suam trahāt, eam nomen suum acquisivisse, tum dudum jam Philosophi quidam statuerunt, tum nuper quidam iterum acriter defenderunt; Helmontius præsertim, qui primus hanc derivationem mihi suggessit: Laudat verò *Aqua* Dominum, dum insignis ejus, ^{Aquæ} ^{supra-} ^{cœlestes.} dem vis supra Cœlos conditur, nec tam gravitate suâ deorsum tendit, quàm locum à Creatore constitutum servat, teste omni exceptione majore, S. Scripturâ, cui omninò tutius fidem adhibemus, quàm in hujus rei possibilitatē multis inquirim⁹: Laudat *Aqua* Dominum, dum nisi ^{Aqua li-} ^{mites} ^{servans.}

A 3

DEO

Aqua
colore
carens.

Aqua
coerulea.

Aqua
nobilissi-
mum
humidū.

DEO jubente limites suos nusquam egreditur, sed eos tam exactè servat, ut, licèt variis in locis longè altior sit terra, eam tamen vix attingat, multoque minus inundet: Laudat DEUM Aqua perspicuitate, limpitudine atque claritate suâ, quâ & oculos adspicientium mirum quantum recreat; licetque sic color nullus eidem tribui possit, nonnullis tamen in locis & eodem egregio se commendat, qualis quidem elegans coeruleus est, quo Blavus fluvius juxta originem suam, Blaubiræ, oppido sex-
quimilliaribus Ulma, (ubi Danubio conjungitur dictus fluvius) distante conspicitur, ut alios nunc taceam; Laudat præsertim Aqua Dominum insignibus suis usibus, quibus tot tantisque pollet, ut eam tantum non quibusvis liquidis præferre, & hinc inter nobilissima referre Humida, eleganter doctus ille Theologus Rissius in peculiari Tractatu non dubitaverit; Ut enim jam vel verbo tan-
gam

gam spiritualem illum usum, quod in S. Baptismo externum præstat medium, & aquâ mediante regeneramur; ut ferè sileam, innumeros illos usus, quos aqua cõmunis sup-
peditat, dum sitim præ aliis quibusvis potibus commodissimè sedat, cibis coquendis, sordibus extergendis, movendis molis, medicamentis plurimis parandis, & quæ sunt (excenta alia, sic inservit, ut eadem vix ac ne vix quidem carere possemus: Medicas quoque non paucæ Aquæ possident vires tam egregias, tantasque, ut quibusvis aliis remediis frustra adhibitis hæ solæ multa millia hominum servarint, qui ante tempus in mortis prædam cessissent, nisi his mediantibus sanitatē pristinā recuperassent: Vel in sola nostra Germania scaturire ultra mille tales fontes medicatos, Varenius testis est, qui si vel plures numerasset, omninò fidem mereretur, cū hinc inde præstantissimis instructi viribus inve-

Aqua re-
genera-
mur.

Aqua
commu-
nis plu-
rimos
habet
usus,

Aquæ
medica-
tæ.

Fontes
medicati
plus
quàm
mille in
Germa-
nia sca-
turiant,

niantur, quorum vix pauciores incolæ illius loci, ubi scaturiunt, notitiam quandam habent. Et ad hæc quidem præfanda, quæ in me ipso præstiterunt, dum partim expertus fui, partim experior, & feriatu ab aliis consuetis laboribus, quæ tempore morbi mei, & usus balnei Rötelenſis contigerint, describere aggredior, me impulerunt; Faxit DEUS T.O.M.! ut in Ejusdem gloriam, & proximi salutem, quæ sic commentor, cedant!

Auctoris
morbus.

Sanus atque incolumis mihi ipsi haud abs re DEI gratiâ videbar, cùm die 24. Junij Anni hujus Seculi primi, iter quoddam ad ægrum quendam hospitem instituissẽ, & in via quidem pluvia pedes nimium humectasset, nullum tamen aliud incommodum attulisset; at ea ipsa vespere ira utut justa accensum, huic tamen nimium me indulgisse, uti lubens fateor, ita ut DEUS hunc tam noxium affectum indies me magis refrenare doceat,

Ira no-
xiuſ affe-
ctus.

doceat, ardentissimis exopto precibus ; quæ quidem illico nullam noxam induxisse visa fuit, at causam procatarcticam extitisse eorum malorum, quæ sequenti die 28. memorati mensis subitò supervenêre, mihi quidem nullum est dubium; licèt enim hoc ipso die horis matutinis tam alacriter laboribus meis præfuerim, ac olim unquam, licèt in prandio cibos eo quo olim appetitu ingesserim, subitò tamen horâ vespertinâ ferè quintâ me minus benè habere cœpi, expalluere manus, stupor quidam reliquas partes occupavit, quem frigusculem quoddam, & hoc calor non tam sanguinis motum mutans, quam partes quasi perurens excipiebat:accedebat nimium urinæ (quam jam per aliquot hebdomadas in ea, quâ olim quantitate me non reddidisse notaveram,) profluvium, & tantum, ut illâ adhuc vesperrâ, & hanc sequente nocte (quam inquietam valdè duxi) sexies plus

Diabetis
quædam
princi-
pia.

Febris
malignæ
suspicio.

urinæ excreverim, quam quidem
potus & liquidi ingessi, ut adeò quæ-
dam Diabetis suspicio suborta fuerit;
& ut Coral. rubr. præp. bis sumse-
rim, hoc ipsum symptoma me per-
movit, nec diutius hoc, quam per
modò memoratum tempus institit:
Verum enim verò jam magis me in-
commodarunt calores suprà descri-
pti, appetitus prorsus prostratus,
lassitudo tanta tamque dolens, ut vix
extra lectū subsistere potuerim, &
somnus continuus insomniis interrup-
tus; quæ jam febris cujusdam, &
quidem (quia plures hoc anno hoc
modo invaserat,) malignæ metum
injecerunt, utut pulsus debito potius
debilior, quam celerior hunc quo-
dammodo diluerit; pulverem autem
nihilominus alexipharmacum bis
sumsi, & post alteram dosin sudori
vacavi, qui levamen quoddam attu-
lisse, videbatur; excrevi verò post
eundem urinam, [quæ hætenus na-
turali colore conspicua fuerat,] tam
tinctam,

tinctam, tamque turbatam simul, ut
 si febris dicta subfit, hanc exitiosam
 mihi futuram, statim prædixerim;
 at de ipsa febre semper magis dubita-
 re cœpi, hincque Uxorem de faciei
 colore interrogavi, quem cum fla-
 vum retulisset, & manus accuratius
 iuspicienti eundem induisse, mihi
 quoque pateret, de bile sede suâ mota,
 sanguinique confusa, & hinc omnes
 has turbas movente nullum ulterius
 superfuit dubium: In marte itaque
 illicò opem quæsi, & illo adhuc
 die Specifici illius Cachectici, quod
 ab Auctore suo præclaro Ludovici
 nomen hætenus apud nos retinuit,
 drachmam dimidiam bis sumsi, quod
 tamen notatu dignum levamen vix
 attulit; unde jam de bilis subtractio-
 ne cogitavi, & dictum modò Speci-
 ficum diagn. maritatum sequenti die
 deglutivi, quod aliquot blandiores
 sedes movit, & singula symptomata
 demitigavit, nisi quod color flavus
 jã omnes penè corporis partes magis
 defec-

Icteri
 princi-
 pia.

Ludovici
 ci lauda-
 tur.

Acidulæ
Egranæ.

Acidulæ
alvum
solum
moven-
tes.

defcēdârît; hinc verò jam huic tale
remedium opponere, quod &
fat citò, & tutò, quin radicitùs illud
tolleret, mecum constitui, & in Aci-
dulis, quæ Icterus sanabilem nun-
quam non curant, opem quæsi; E-
granas igitur, quæ viribus suis adhuc
fat integræ ad nos Augustam defe-
runtur, elegi, probè quippe nōscens,
eas intestina citò transire, & hinc
alvum aperiendo in iis latitantia vi-
tia feliciter corrigere; harum itaque
quantum minor lagena continet, sta-
tim primo mane exhausti, nec voto
meo me destituit hic pot⁹, bis terve n.
alvum aperuit, jamq; flavus partium
color quodammodo discutiebatur,
& appetitus redibat, licet sudorem
parum solum, urinam vero planè
non moverit; continuavi verò ni-
hilominus hujus pot⁹s medicati u-
sum, & quarto die, cū minus elara
videretur prima lagena, aliam quoq;
evacuavi, unde alvus sæpius mota
fuit, urina quoque in majori successit
quan-

quantitate, & per triduum adhuc eadem quantitate acidularum continuata, tam benè me DEI gratiâ habere cœpi, ut in publicum iterum prodire potuerim; nisiq̃ue insomnia per integram ferè noctem molesta extitissent, non habuissem, de quo quererer; sub continuato tamen Martiatorum usu hæc quoque evanitura, sperans, laboribus meis sicut prius præfui; at remissere se quidem insomnia, sed succedere iisdem dolores manuum pedumq̃; tam intensi, ut integras noctes (quibus inprimis me vexabant,) insomnes reddiderint; Cumq̃ue hi continuatis licèt sedulò martiatis, & hisce aditis cinnabarinis nec minimum cederent, externè applicitis Spiritibus Lumb. terr. & Rorismar. exasperarentur potius, quàm imminuerentur, post quatuor tam infelicitè ductas noctes de balneo partes calefaciente, & residuam intimiusq̃ue partibus infixam bilem discutiente, simulq̃ue motum

Insomnia molesta.

Dolores artuum.

Balneum
Dalsin-
genſe.

Iter in
ſticutum.

Laffitudo
ebrij bre-
vi ceſ-
ſans.

motum ſanguinis reſtituente cogita-
vi, & quemadmodum Dalsingenſe
prope Ulmam ſcaturiens, quodque
aliquoties in ſimili malo cuidam Co-
gnatorum meorū ſummè profuiſſe
noveram, elegi, ita iter eo ſequen-
ti ſtatim die inſtitui, quin aggreſ-
ſus fui; nec quicquam notatu digni
primo die, qui erat decimus Menſis
Julij, contigit, niſi quod Hoſpes pa-
gi, in quo per noctem quievi, ſerius
domum rediens, de laſſitudine jam
per bene longum temporis ſpatium
incommodante multis verbis con-
queſtus fuerit, & hinc, ut remedi-
um ſuggeram, petierit; at quia vino
potius nimium ingeſto, quàm alij
cauſæ hæc laſſitudo originem ſuam
debebat, ejus exhalationibus diſ-
cuſſis, ſic ceſſavit, ut ejusdem ſe-
quenti die nec verbo quidem memi-
nerit; quo ego iter meum continua-
vi, & cūm Günzburgi prandij ergo
divertiſſem, ibi Hoſpes ſobrius ſe-
quentia retulit: Se ante ſemestre,
& quod

& quod excurrit, habuisse Hospitem
olim Uxoris suæ procum, qui men-
sæ adfidens se accedentem urserit, ut
alaudam adhuc residuam comede-
rit, hâc verò vix deglutitâ vertigi-
nem sibi successisse cum tanta anxie-
tate, ut quo se vertat, nescierit, quæ,
vino postea cum eodem amico poto,
tantum augmentum sumserit, ut &
per aliquod temporis spatium mente
privatus fuerit, quâ tamen sic sat bre-
vi redeunte, tam malè se habuerit,
ut animam suam devotis precibus
Creatori commendârit, & balnea-
toris cujusdam præsentis consilium
expetierit; qui, ut in lectum se con-
ferat, suaserit, cujus consilio obtem-
peraverit, simulque Theriacam olim
à quodam Secretario dono datam
sumserit; Unde quidem sequenti
mane sic sat benè se habuerit, & ad
labores suos consuetos redierit: Ve-
rum enimverò, ab illo tempore, nar-
rando pergebat, Vertiginem hanc
sæpiùs redire, ei que nescio qualem

Alaudâ
comestâ
sequen-
tia mala.

Vertigo.

B

succe-

succedere anxietatem, semper pondus quoddam circa præcordia molestum se persentire, minus alacrem ac olim ad labores esse, calorem faciei vividum in pallidum mutari, & toto corpore se decrescere; Quoniam verò purgans forte à Medico suo ordinario præscriptum nec vomitum nec alvum moverit, & hinc è minùs profuerit, ut ego salubre suggeram consilium, ardentè petiit; nec defui ejusdem petito, sed malum à reliquiis cibi cum nausea & suspitione ingesti in primis viis adhuc hærentibus derivans, hincque vomitorio ipsum omninò opus habere judicans ex Antim. Diaph. scrupulo dimidio, & Tart. Emet. gr. iij. constantem pulverem præscripsi, huicque præmisso usum Essent. Martis, eiquæ è floribus Hyperici elicitor, maritatem subungere jussi.

Vomitorium cur præscriptum?

Balneum Dalsing.

Continuato hinc itinere bonis avibus Ulmæ appuli, ibique prima mea cura fuit, ut Dalsingæ cubiculum

lum locetur, quem in finem dilectus ex Sorore Nepos illicò eo se contulit, at brevi rediens, intra mensem ferè demum hæc balnea calefieri retulit, quod ego quidem non parum miratus, cùm tempus hoc maxime opportunum existat, & ut de alio cogitarim, coactus fui: Commodè autem in mentem venit Balneum illud propè Geislingam scaturiens Rötelenfe, hincque illo adhuc die de auriga, qui me vehat Geislingam, sollicitus fui, & die 12. Julij summo mane iter meum eò institui, & 5. horarum spatio, DEO benedicente, feliciter absolvi: In via interrogatus auriga, num plures feræ in sylvis ibi crassioribus & spissis capiantur? in hac quidem regione, quia quamprimum una vel conspiciatur, neci datur, tam multas non reperiri; at eum nuper per Ducatum Würtembergicum iter instituerit, sibi relatum fuisse, pestem quandam grassari inter feras, præcipuè Cervos, adeò, ut

tempore
maximè
opportu-
no non
calefit.

Balneum
Rötelen-
se Dal-
singensi
substitu-
tum.

Ferarum
pestis.

singulis diebus 10. quin plures mortui reperiantur, respōdit: Ferinā itaq; nunc minus tutò comedi cūm regressissem, ut illicò feræ tales inventæ defodiantur Magistratum jussisse, narravit, quæ ejusdem cura omnem omninò laudem meretur; an verò & hominum pestis, à qua nonnulli sibi metuunt, sit successura? certo determinare vix ullus audebit, cūm plurima bestiis nocere possint hominibus planè innoxia, DEUS graviora quævis clementer avertat!

Geislingæ hinc DEI gratia appuli, ibiq; hospitem nactus fui virum humanissimum, juxta & egregiorum studiorum amantissimum, Dn *Thomam Bunzium*, Consulem loci dignissimum; hic cūm ex me percipisset, dolorem artus occupantium ergo me Balneum in usum ducere velle, retulit, se ante plures annos, cūm vix novendecim annorum Juvenis Uxorem duxisset, in Arthritidem incidisse, perque decem ferè annos

Arthritis
absque
recidiva.

annos eâdem tortum fuisse, & huic præter alia medicamenta hoc quoq; balneum opposuisse, inde verò sic DEI gratiâ se sanatum fuisse, ut elapsis ab illo tempore licet pluribus, quàm triginta annis, ab hoc tamen malo interea planè immunis degat, quod, cùm aliàs plerumque hoc malum tam diu præsertim instans sæpiùs redeat, inter notatu digna referendum esse, judicavit, & sanè rariùs quis sic in totum ab arthritide liberatur: At si in principio statim remedia convenientia generosiora opponantur, si errores, qui illud produxerunt, vitentur, reditio ejusdem omnino impediri potest, si præsertim malum non tam hæreditariū, quàm alio modo contractum existit; narravit hic ipse Hospes, quod hisce diebus morte præproperâ & inopinâ abrepta fuerit Virgo quædam; quem casum, quia postmodum loci Physicus experientissimus *Dn. Licentius Jägerschmid* pluribus recensuit,

Arthritis
ne redeat,
quomodo
impediatur?

Purgans
tempore
mensiū
summā
cum no-
xā sum-
tum.

hīc repetere placet : Sanissima exi-
stens hęc Virgo tributum lunare
consueto quidem tempore solvebat,
at hęc vice cum dolore capitis aliās
vix molesto, petit hinc locum quen-
dam hora ab oppido distantem, do-
lorem sic dissipatum iri, sperans ; at
domum redeuntem idem dolor in-
commodat, surgit hinc sequenti die
delecto quidem, at post meridiem
coram patre conqueritur, tantum in-
valescere dolorem, ut se in lectum
conferre opus habeat ; accedit hic
propterea Pharmacopœum vicinum,
qui Pilulas Francofurtenses eidem
suggerit, quæ sumtæ parum profuē-
re, unde sequenti die purgans eidem
exhibet, quod sex vomitus & duode-
cim sedes movit, hincq; circa vespe-
ram eam de virium defectu questam
fuisse, nemo mirabitur ; at his pau-
latim collectis clamare quoque cœ-
pit, totque alia emotæ mentis signa
edere, ut omnino phreneticis annu-
merari potuerit, redit hinc Pater ad

Phar-

Pharmacopœum, & quid nunc factu sit opus? anxie quærit; suggerit is opiatum medicamentum, quod ad votum somnum inducit; ex quo evigilans Virgo miratur tot adstantes, & de rebus gestis certior reddita, earum se planè immemorem testatur, jamque sic se habet, ut quævis mala devicta esse speraverint; erat tamen, uti post purgantia inprimis fortiora sumta solet, alvus obstructa, unde ut referaretur sollicitæ ex Pharmacopœi consilio Clyster nunc applicatus fuit, at resuscitans is particulas peccantes non tam correctas quàm sopitas, prius malum reproduxit, & quidem tantâ cum vehementia, ut jam Medicus etiam vocatus fuerit, is tamen eam in tam desperato statu constitutam invenerit, ut non nisi exitum tristem & letalem prædicere potuerit, qui & subsequutus fuit: In utero nempe latitantes particulae viriosæ, & tales, quales alias malum hystericum producere solent, pur-

Clyster
phreniti-
dem re-
produ-
cens.

gante non tam evacuatae aut correctae, quam exaltatae quasi & magis motae fuerunt, unde caput petentes illud non potuere non perturbare, & post opium convenientioribus medicamentis in usum non ductis, clystere non potuit non prius malum excitari: Quam parum tuto vero purgantia fluentibus mensibus exhibeantur, sicut haec observatio docet, ita Pharmacopœorum consilia non, semper salubria existere, eadem confirmat.

Balneũ
utentes
in cod.
edentes
& biben-
tes.

Die 13. dicti aliquoties mensis, cum prius opem Divinam invocassem, primo balneum ingressus fui, & hoc quidem aliquot alios utentes invenì, at simul edentes, atque tum aquam medicatam (quam omnino non posse nocere persuasi sunt) tum vinum bibentes; quod nō posse nō obesse sanitati, indicavi; sed hoc modo plerosq; , qui balneo utuntur, vivere, responderunt; quin postmodum Hospes meus me certiore reddidit,
olim

olim plures balneum ebrios egres-
sos fuisse ; at sanè si hisce minus
profuerit, non tam in balneo, quàm
perversa hac diætâ causam quærant.

Placebat tamen, quòd plerique
eorum naribus Rosas obvertebant,
quæ quippe non solùm odore suo
grato recreant, sed & particulis, quas
exhalant, spiritus reficiunt ; at non
omnibus æquè gratum esse hunc o-
dorem, juxta me sedens quidam fa-
ber scriniarius, cùm quod mihi hic
mos arrideat, palam protulissèm,
subjecit ; Noster enim, cujus regimis-
ni Inclut. Magistrat. Ulm. oppidum
credidit, Præfectus nobilissimus, è
nobilissima Schadiorum familia ori-
undus, adeò non ferre potest harum
odorem, ut & si quis in sacco Rosam
occultatâ gerens eundem accesserit,
inde malè se habeat ; quod quidem
in memoriam mihi revocavit, Höfer-
rum de Cardinali quodam similem
planè historiam referre, talisque
idiopathiæ hinc inde narratis histo-

Rosarum
odorem
ferre non
potens.

riis & hanc, ut addatur, mereri judicavi.

Capitis
dolori
& febris
albæ
principiis
oppositum
balneum

Balneo hoc quoque utebatur. Virgo quædam quindecim ferè annorum, quam de causa interrogavi, & hæc respondit, se jam per aliquod temporis spatium laborare dolore capitis sic fat molesto, simulque a febre alba non abs re sibi metuere, cum hujus varios jam prodromos notaret, hincque hoc balneum suadentibus quibusdam amicis se in usum ducere; nec ego dubitavi, hoc eidem prodesse posse, dum non solum mensium fluxum promovere communiter creditur, sed & blando calore sanguinis motus impeditus, à quo dicta mala originem trahunt, restituitur; at cum postmodum & hanc diætam non servare, sed fraga præsertim in magna admodum copia ingerere vidissem, & eam parum emolumenti ex hoc balneo sensuram, judicavi.

Notavi

Notavi interea in me ipso , sic
 sat validè adstringere balneum par-
 tes quasvis, & hinc tum Medico hu-
 maniter me visitanti, referentiq̃ue,
 se credere , cum croco martis ad-
 stringentis convenientibus particu-
 lis imbutum esse hoc balneum , tum
 aliis, qui hoc bolo cuidam (cum plu-
 res boli martiati quid in se contine-
 ant) tribuunt, eo magis fidē adhibui:
 In me ipso verò insuper notavi, quòd
 quoties balneum egressus fui, partes,
 inprimisque manus flavo iterum co-
 lore obductæ fuère, hincq̃ue judica-
 vi, bilem intimius latitantem dolo-
 rum meorum causam extitisse, nec
 semper Icterus penitus curatum es-
 se, si vel maximè color flavus ubiq̃ue
 disparuerit: Retulère interea loci
 incolæ , quod hæc aqua semper
 clara existat, nec ulla tempestate, seu
 pluat, seu ningat, vel minimum tur-
 betur, utut aëris quibusvis injuriis sit
 exposita.

Balneum
 Rötelen-
 se ad-
 stringit.

Crocum
 martis
 vel bo-
 lum
 conti-
 net.

Balneum
 colorem
 Icteri-
 cum re-
 produ-
 cens.

Aqua
 Rötelen-
 sis sem-
 per cla-
 ra.

Legi

Legi hoc die disputationem cu-
jusdam Calvisii, de causis incremen-
ti litterarii post barbara secula; inter
quas uti merito societates Erudito-
rum refert, ita dum illam, quæ Leo-
poldina Naturæ Curioforum nunc
nominatur, Noribergæ sedem fixis-
se, memorat, minus accuratam de
ead. notitiam suam prodit, dum illa
nullam certam in Germaniæ certo
quodam loco agnoscit sedem, sed sic
ut olim eidem Swinfurtum duos e-
gregios Præsides largitum est, ita ter-
tium non minus Illustrem Noriber-
ga quidem dedit; at Augusta Vin-
delicorum nunc habet, quod de huic
muneri summo suo merito præfecto
Magnifico *Dn. Schrökio* sibi gratules-
tur.

Acade-
mia Na-
turæ Cu-
rioforum
sedem
certam
non ha-
bet.

Legi etiam Dissertationem Geor-
gij Nicolai Serupij, quam sub titulo
Triumphii Lithargyriatorum contra
Dn. Jägerschmidium edidit; at o-
ptandum esset, ut eruditissimo Viro
status controversiæ magis innotuisset,
quod

Lithar-
gyriata
non o-
mni
priorius

quod nempè non tam Vina acidâ, ^{noxâ ca-}
 quæ tum plures in non ita exigua ^{rent.}
 quantitate absq; ulla noxa biberunt,
 quam ea ipsa, quæ Lithargyrio adul-
 terata fuisse, sic sat certo constitit,
 tam gravia post se traxerint mala; si-
 que vel maximè interdum & acidâ
 Vina tormina excitarunt, ea tamen
 nec adeò diu institerunt, nec ita dis-
 ficilia curatu extiterunt; ut adeò hîc
 Lithargyrium omni noxâ eximere
 velle, sit, experientiæ plurium non
 levi experientiâ instructorum Viro-
 rum, qui talibus ægris ipsi adstiterunt,
 contradicere.

Die decimo quarto Julij iterum
 balneo bis usus fui, nec notatu digni
 quid contigit, at illud mihi, DEO
 benedicente, profuturum, totus spe-
 rare cœpi; dumque in illo juxta me
 sedētes varios serunt sermones, qui-
 dam etiam refert, nidum quem Ci-
 conia jam per plures annos in Curia
 Geislingensi posuerant, sponte cor-
 ruisse, hincque non solum ædes vici-

Ciconia-
 rum ni-
 di cor-
 ruens.

nas

Ciconia
brevis bis
ova po-
nit-

Ciconia-
rum bel-
lum.

nas læsas, sed & unam ex illis juni-
oribus captam fuisse, tantumque so-
num edidisse hunc lapsum, ut in vici-
nia habitantes primo graviora metu-
erint: Narrat hinc adsidens quidam
incola loci, quòd hoc anno hîc ad-
ventans Ciconia fœmina statim ova
posuerit, hisque excludendis sedulo
operam navarit, at accessisse alium
marem, qui jam præsentî nidum di-
sputarit, & hinc aliquoties acrem
cum eodem pugnam inierit, adedò
quidem, ut & ova aliquando inde
perdita, & fœmina sanguine hinc
inde conspersa visa fuerit, depulsus
tamen & peregrinus ille mas; unde
brevis post nova posuerit ova fœmina,
& hæc feliciter quoque excluferit,
tardius tamen ac aliàs, unde juniores
nondum avolaverint, quæ plerumq;
Festo Petri & Pauli avolare soleant;
Mirabatur hic Vir, quòd tam citò
nova posuerit ova Ciconia, cum aliàs
grandiores aves ea tam sæpè ponere
non soleant, & omnino, modò reve-

rà se

ra se sic habeat res, inter rariora re-
ferri meretur, roganturque Historiæ
animalium Scriptores, ut & in ha-
rum circumstantiarum veritatem
sedulo indagent, & quæ experientia
docet, communicent.

De puella illa, quæ Crucibus
insignita tum Ulmæ, tum Augustæ
Vindelicorum plures Spectatores na-
ta fuit, ab Hospite interrogatus,
quæ quidem ego novi, retuli; At
qui semel solùm eam forte fortuna
in via offendens videram, crucibus
suis tum superbientē, tam rudes mi-
nusque accuratas eas, quas ego vidi,
deprehendi, ut Divini quid in iisdem
agnoscere, summa operum Divino-
rum perfectio minimè concedat; Si
tam accurata ejusdem haberetur ra-
tio, ac olim cujusdam puellæ, quæ diu
se absque omni cibo potuque vive-
re finxit, Monaci, jussu Sororis Impe-
ratoris Maximiliani I. fuit habita,
foran ratio harum crucium certior
reddi posset.

Crucibus
insignita
puella.

Alvi fluxus à balneo.

Die 15. Julij continuatum balneum, & ob sitim intensiorem in potum quoque adhibitum alvi fluxum tantum excitavit, ut prius & purgantia, & Acidulæ toties eandem nunquam moverint; licetque viribus quodammodo insidiatus sit; prodesse tamen nullus dubitavi, cum multum admodum materiæ peccantis sic evacuatum fuerit; flavedo etiam partium huic major successit; balneum verò nihilominus continuavi, quod vires non tam magis insumpsit, quem quodammodo reddit; nec alvi huic fluxui quicquam opposui, quam quod vinum rubrum bibi, quod egregiè suas exseruit vires.

Argentum in frumenti grano reperitum.

Communicavit mihi hoc die humanissimus Hospes Relationes curiosas, Everh. Happelij, quibus ab ipso insertam schedulam, cui sequentia notatu dignissima verba inscripsit, inveni: Anno 1691. tempore Messis Althemij, quod pagus est

est ditioni Ulmensi subjectus, spicam frumenti evulsi rusticus, & granum dentibus comminuit, cum verò & aliud ori ingessisset, & itidem comminuere voluisset, illud durissimum deprehendit; dumque propterea hoc accuratius inspicitur, argentum purum & finum fuisse, constat, pro quo Ulmam delato viginti crucigeros solvere non nemo voluit; An in montibus in illa regione tam nobilia quoque metalla delirescant, uti quidem de aliis nullum est dubium, de his verò ejusmodi quid olim Virum quendam rerum naturalium peritissimum ariolatum fuisse, novi; An verò alio modo spicæ, hincque grano insertum fuerit? aliis dijudicandum relinquo.

Die 16. Julij in me quidem nil notatu digni occurrit, nisi quod sitis me æquè ac alios vexavit; primo verò nunc balneo usus fuit Juvenis quidam Geislingensis, qui jam per plures annos calculo vesciæ torque-

Calculus
sectio-
nem non
admit-
tens.

C

tur,

tur, is retulit, quod jam ante biennium se sectioni subicere voluerit, quam dum per eam, quam brevem viam vocant, instituerentârît, calculumque nullo modo ad perinæum detrudere potuerit, eum esse vesicæ adnatum, & hinc frustra sectionem institui, judicaverit lithotomus; cui tamen an fides sit adhibenda? dubito, forsanq; per alteram longiorem licet, sat tutam tamen viam sectio non absque fructu institueretur: Dolores hic imprimis crescente Lunâ auctos notat, & balneum nostrum ante annum sibi non parvum attulisse levamentum, asseruit.

Calculi
dolores
crescente
Lunâ
aucti.

Asarum
pro Hepatica
habens.

Mentione herbarum quarundam coram Viro quodam harum rerum perito injecta, is narravit, quod sibi ante paucas hebdomadas obviam fuerit factus Pharmacopœus, pro aliis peritiore se venditans, in sinu gerens herbam, quam hepaticam esse seriò asseruerit; at propius eandem

dem aspectam non potuerit non pro
 Afaro ipsemet agnoscere ; & hinc
 sciolum hunc erroris ergo impro-
 brare, qui verò nocte increbescente
 se excusarit ; at quanta noxa inferri
 potuisset ei, cui loco hepaticæ asa-
 rum venditum fuisset, facile ariolari
 potes, facileque judicabis, longè plus
 interessè, ut Pharmacopœus herba-
 rum habeat accuratam cognitio-
 nem, quàm ut aliarum rerum medi-
 carum sit peritus, de quibus tamen
 multi nimium sunt solliciti.

Pharmaco-
 pœus
 herbas
 digno-
 scere di-
 scat.

Dies 17., quæ Dominica fuit,
 merito cultu Div. consumebatur, tē-
 pore verò intermedio Hospes cha-
 rissimus sequentes historias notatu
 dignas retulit. Hospitia aliis militibus
 parans quidam miles, cùm hic loci
 ante plures annos à Patre meo hospi-
 tio exceptus fuisset, servo suo, num
 cum aliis prædari liceat ? interro-
 ganti, hoc concessit ; qui verò non
 tam hostes, quàm cœnobium quod-
 dam vicinum aggressi fuerint, ibique

Prædatorum
 onem
 male cō-
 cedens.

inventos equos abduxerint; unde paulo post servus catenis ferreis vinc-
tus, scamnoq; alligatus, Magister v.
laxiori custodiæ traditus fuerit; sic,
ut in hospitio, quorsum quidem vo-
luerit, se conferre potuerit; unde
cum civibus biberit, luserit, hilarem-
que se præbuerit; at quodam die
subito accessisse sacerdotem e vicino
Pontificiæ Religioni addicto pago
Eybach / cui & is addictus fuerat,
ipsique denunciasse, crastino ipsum
decollatum iri; unde per integram
quidem noctem litteras Monachium
exaravit; & ad mortem se paravit,
hanc etiam sequenti die in foro pu-
blico sustinuerit, sepultusque post-
modum in modò memorato pago
fuerit: dumque ædituus illius loci
præsens viderit, decollatum hunc
militem braccas gestare rubras, illum
sequenti nocte sepulchrum aperuis-
se, mortuo braccas detraxisse, & sta-
tim induisse; verum enim verò cum
nocte sequente in templo campa-
nam

nam sonare voluerit, comparuisse
 decollatum absque capite, idque per
 aliquot dies sic successisse, hincque
 ædituum de vendendis braccis cogi-
 tasse; eas huc Geislingam [ubi hæc
 scribo,] detulisse, & vili pretio cui-
 dam turris custodi vendidisse, nec
 hunc, quomodo eas acquisiverit, &
 certiore reddidisse; at cum hic
 superiorem turris partem ascendis-
 set, & ei capite truncatum compa-
 ruisse, non semel solum, sed per ali-
 quot noctes, unde tandem in braccas
 accuratius inquisiverit, iisque sepul-
 chro iterum illatis omne spectrum
 disparuerit; quæ quidem ad magis
 confirmandum ea, quæ Erasmi. Franc.
 de spectris refert, non parum con-
 ferre, hospes laudatus credidit; quam
 deperditæ verò mentis homines in-
 veniantur, qui Diabolo adscribant,
 quæ soli malitiæ suæ deberent, se-
 quenti historiâ confirmavit: Cerdo
 quidam, cum semper plus gulæ in-
 dulsisset, quam laboribus suis præ-

Capite
 trunca-
 tus brac-
 cas suas
 detra-
 henti
 compa-
 rens.

Capite
 trunca-
 tus brac-
 cas suas
 ementi
 compa-
 rens.

Diabo-
lum pe-
cuniam
sibi mu-
tuo de-
disse fin-
gens.

fuiſſet, inde, uti non poteſt non fieri, pauperiem contraxit; officiolum tamen cui hodienum præeſt, ei fuit creditum; quod, ſi vitam mutaeſſet, alendo eidem ſuffeciſſet; at ſemper adhuc plus pecuniæ inſumens, quàm quidem acquiſivit, de hac adipiſcenda varia iniit conſilia, & aliquando domum veniens Uxori retulit, Diabolum ſibi decem florenos mutuo dediſſe, qui domum delati in ſtercus equinum mutati fuerint, nihilominus verò niſi reddat conſtituto tempore, in corpus ſuum juſ ſe ceſſiſſe Diabolo; ut itaque tantum pecuniæ interea colligat, ipſam ſubnixè rogat; nec hæc deeſt huic petito, & difficulter licèt, tandem tamen in tempore tantum pecuniæ corradit; exſpatiatur cum eadem conſtituto tempore maritus, & in loco quodam certo expectare ipſam jubet, ſecedens interea, & paulo poſt rediens jam Diabolo pecuniam ſe reddidiſſe, ſicque ab omni metu liberatum eſſe,

gau-

gaudens refert: moritur interea hæc
 Uxor, ipseque aliam ducit, cum qua Diabolo
 cum haud ita diu in cōjugio vixisset, se man-
 priorem fabulam agere incipit, huic- cipasse
 que similia prorsus de pecunia à Dia- fingens
 bolo mutuo data refert, subjungit ta-
 men, se nunc chirographum sangui-
 ne suo scriptum Diabolo tradidisse;
 seu verò hæc noluerit, seu nequierit,
 pecuniam non collegit, unde tempo-
 re solutionis ab ipso destinato instan-
 te malè se habere, & plurima despe-
 rabunda verba proferre cœpit, hinc-
 que res ad Magistratum delata fuit,
 qui, ut ipsi solatio adfuerint varii
 Ecclesiastæ, ordinavit, simulque,
 ne violentas sibi inferat manus, cu-
 stodes constituit; nec tamen solatio
 sic erigi potuit, quin semper adhuc
 desperabundus paruiſſet, donec ali-
 quando subito custodibus suis dixit:
 Gaudete mecum, crastino die resti-
 tuetur chirographus meus, horam-
 que, quâ hoc speret, nominavit;
 hæc ipsâ etiam horâ, postmodum.

chirographum, nescio unde, pro-
traxit, litteris solis initialibus nomi-
nis sui M. B. insignitum, eumq; cu-
stodibus tradidit, qui ad Magistra-
tum detulerunt, unde & aliorum
oculis subjectus fuit : simul verò su-
spicio quædam de dolo quodam sub-
oriebatur, unde nunc in carcerem
coniciebatur, ibiq; accuratiùs exa-
minabatur, tandemq; constitit, o-
mnia hæc pessimo dolo peracta fuisse;
fatente ipsomet, hæc se solùm, ut
pecuniam Uxori extorqueret, sic
finxisse, nec unquam cum diabolo
locutum fuisse, nec chirographum
ei tradidisse, sed has sanguine suo
scriptas litteras semper secum gestas-
se : unde pœna, nescio quæ, eidem
irrogata, pœnitentiamque coram
universo populo ut agat, mandatum
fuit; restitutus tamen officiolo suo,
huic hodienum præest, jam coram
hominum oculis meliorem se ge-
rens: quam parum verò fidendum
sit iis, qui vel pluribus verbis & cir-

cum-

cumstantiis Diabolo se mancipasse aliis persuadent, hæc observatio docet, diligenter itaque & diu in singula inquires, antequam certi quid in ejuscemodi casibus statues.

Hoc die, quia à balneo vacavi, Acidulas Uberkingenses adii, quæ gustui maximè arriserunt, retulitq; Hospes, Sacerdotem quendam Arthriticum, qui incedere non potuerit, easdem hoc Anno vix bis pro balneo intrasse, & jam ferè cum aliis cursu certamen instituisse; unde non frustra & ab aliis in hoc morbo constat, has aquas laudari.

Acidulæ
Uber-
kingen-
ses anti-
podagri-
cæ.

Primò intravit balneum die 18. Jûlij Civis quidam Ulmensis, qui retulit, fistula femoris se jam per viginti & quod excurrit annos laborare, & hinc plures Celeber. Chirurgos se consuluisse, qui tamen omnes hæcenus manus frustra adhibuerint, tandemque ipsimet fassi fuerint, malum esse insanabile; commendasse tamen nonneminem hoc balneum,

Femoris
fistula.

eius vires jam experiri velit: utitur
verò in curandis antiquis ulceribus
illud jam dudum laudem meruerit,
quod tamen hîc, quod hic optat,
fit præstiturum, cùm ossa jam cor-
rosa esse, arioler, totus dubito; nec
alio modo facilè curantur hæ fistulæ,
cùm & sectio vix locum habeat, &
sine hac rarò ejuscemodi ulcera pe-
nitius curentur.

Mictio
cruenta.

Utitur quoque hoc ipso balneo
quædam propinqua adfinitate mihi
conjuncta, quæ jam per semestre &
quod excurrit, urinam cruentam,
mingit, aliquoties sanguine crasso
grumoso plenam, absque tamen no-
tatu digno dolore, & huic quidè
illud quodammodo prodesse posse,
judicavi, opus verò etiam habere
travmaticis atque balsamicis, monui;
nisi enim consolidentur venulæ
hunc sanguinem profundentes,
identidem hunc fluxum rediturum.

Calceus
pectori
imposi-

Narravit hæc vesperâ noster Ho-
spes, quòd ante quosdam annos duo

juve-

Juvenes rustici rixati fuerint, & is, qui magis læsum se crediderit, alterum in via expectarit, verberibusque sic tractarit, ut hic in mortis prædam cesserit; domum vero properasse homicidam, & occisum in via jacentem reliquisse; hinc autem quendam alium, qui occisum probè noverat, præterisse, exuisse huic calceum pedis sinistri, huncque pectori ejusdem imposuisse, hincque factum fuisse quidem, ut occisor domum venerit, at ulterius procedere, & fuga sibi consulere minimè potuerit; unde re postmodum ad Magistratum delatâ, captus, & capite truncatus fuerit: quod verò, sicut omninò pro superstitioso medio habendum est, ita, an huic ipsi, an verò conscientia læx hæc domi detentio adscribenda sit, totus dubito; sciens tamen, non deesse, haud infimi subsellii viros, qui ejusmodi rebus multum admodum tribuunt, in horum gratiam communicavi.

Bibit

**Epilepti-
ca fan-
guinem
decolla-
tibens.**

Bibit hujus capite truncati ho-
micidæ sanguinem adhuc calidum,
& jamjam profilientem, fœmina
quædam epileptica, & postea totum
oppidum percurrit, an verò juverit,
ei, qui dicta narravit, non innotuit;
nec sanè ego quidem multum huic
remedio tribuo, cum non solum
horrendum sit, sed &, non tam per-
se, quàm insigni illâ alteratione que
in sumente excitatur, juvet, quæ
ipsa tamen & ipsum malum facile
augere potest, ut adeò aneeps quo-
que sit remedium.

**Dolores
artuum
urentes
balneo
succe-
dentes.**

Die 19. Julij hætenus balneum
quotidiè bis manè per bihorium, &
vesperi per unam horam continuan-
tem dolores artuum incommodare
cœperunt, urentes, ac si aqua fer-
vida continuò perfunderentur, quod
ego quidem resolutioni materiæ pec-
cantis, & abundanti tartaro, quem
urina abundè prodidit, adscripsi;
hincq; non tam omittendum, quàm
diutius

diutius & diligenter continuandum
esse balneum, judicavi.

Consuluit me hoc mane Mu-
lier quædam Altenstattensis, cujus
filius hætenus balneo ad curandam
scabiem usus fuerat, quidq; factu sit
opus? dum nunc hinc inde in aliis
sanis partibus maculæ multum pru-
rientes erumpant, interrogavit; &
ego balneum continuare jussi, dum
communiter creditur, quicquid bal-
neum producat, id ipsum idem &
curare; quod imprimis verum esse
de cutis vitis; hætenus experientia
docuit: finito verò balneò puerum
purgante opus habiturum, simul ju-
dicavi.

Maculæ
post bal-
neum.

1700763
1700764
1700765

Die 20. Julij dolor quidem ar-
tuum aliquantum se remisit, at suc-
cessit huic capitis tam intensus, ut
tussire vix absq; clamore potuerim;
at hunc balnei vaporibus originem
suam debere, unanimiter reliqui
balneantes statuerunt, nec ipse ali-
unde derivare potui, hincq; non tam
medi-

Capitis
dolor à
balneo.

medicamenta eidem opposui, quàm patienter tuli, & balneum eo, quo prius modo continuavi.

Virgo
carceri
includi
volens.

Narrarunt hoc die fide dignæ Matronæ Ulmenfes, ibi Virginem quandam, quia amore exoptato frui non potuerit, in melancholiam gravem cum mensum obstructione incidisse, hinc verò aliquando extra portam deductam subito custodibus suis eam se subduxisse, carcerem adiisse, & ut huic includatur, seriò urfisse, se enim ex furtivis amoribus gravidam hunc maximè meruisse, asserentē; donec eam interea iterū invenientēs custodes, omnibus viribus abduxerunt, & ipsa quasi stupida domum deducta fuit: Utur verò nunc convalescere videatur, magis justus tamen ab ullius, quàm ab hujus affectus reditione metus non fovetur.

Melan-
cholia ab
utero
facile re-
dit,

Diarrhœa
omissa
V. S. &
balneo

Faber scriniarius Geislingensis, qui juxta me in balneo sedebat, diē 21. Julij retulit, quòd ante decem ferè annos diarrhœâ laborare cœperit,

rit, cui, utut plura remedia opposuerit, omnia quidem omninò frustra adhibuerit, adeò, ut hic alvi fluxus per integrum quinquennium institerit, & vires mirum quantum imminuerit; passim autem tum hinc inde nonnullos asseruisse, mirum quantum nocere Venæsectionem, hincque se eam, quam prius singulis annis bis instituerit, prorsus omisisse; simul verò balneum Rötelenſe in usum duxisse, & diætam sic sat accuratam servasse, indeque DEI gratiâ malum sic cessasse, ut non habeat, de quo nunc hujus ergò queratur: Venæsectionem nempe sæpiùs institui, ubi magis nocet, quàm prodest, hæc observatio docet, nec novum est, eâdem omisâ plus in curandis quibusdam morbis profici, quàm quibusvis aliis remediis.

adhibito
cessans.

Venæsectione subinde utiliter omittitur.

In Annotatis ad Happelij Relationes Curiosas Dn. mei Hospitis frequentia notatu digna inveni: Anno

Superfectio notata digna.

1692. d. 26. Januar. hic Geislingæ in
 Xenodochio (**Seelhauss** hoc no-
 minat,) paupercula quædam, nomine
Barbara Schätzerin/ cujus ma-
 ritus nomen **Leonardi Rucker** ge-
 rebat, & **Rohrensis Württembergi-**
 cus erat, filiolum peperit, qui in S.
 Baptismo nomen **Friderici** accepit:
 & postea cum eo per sex hebdoma-
 das hic Geislingæ in modo memo-
 rato loco morata fuit; postmodum
 d. 14. Martij supra scripti anni, **Eys-**
 lingæ, quæ magna vocatur, iterum
 filiolum enixa est, qui die 19. dicti
 mensis **Wangæ** S. Baptismo à loci Pa-
 store tinctus, & **Joannes** nominatus
 fuit, quod Pastor hic in testimonio
 Baptismi ergò dato propriâ manu &
 huic præfixo sigillo suo testatus est:
 quod egregium superfoetationis ex-
 emplum communicatione, ne in pri-
 vatis his schedis pereat, omninò di-
 gnum est.

Hodiè iterum dolor capitis me
 non parum vexavit, & tanta lassitu.
 do

do corporis, ut aliquoties dubitaverim, an balneum sit profuturum, spem tamen meam ij, qui sæpius eodem usi fuerant, iterum erexerunt.

Die 22. Julii gravem odorem, Balnei
odor
gravis balneum, dum illud egressus fui, spirare notavi, & alii se itidem notare testati sunt, qui, quia nullo modo in aqua quæri potest, dum illa nec frigida, nec cocta, quin nec fervens, vel minimum odorem expirat, omninò vaporibus è corpore exhalantibus, & sudori elicito salibus peregrinis scatenti tribuendus erit.

Hisce diebus sepultus fuit pauperculus quidam, quem herniâ intestinali laborasse, de S. Cathedra indicabatur, qui hinc in obstructionem alvi & morbum iliacum incidit, sicque mortis faucibus eripi non potuit; quod quia confirmat, quantum requiratur, ut herniosi sedulam sui mali gerant curam, cùm aliàs facillimè talia mala producat, hic ad- Hernia
occidens.

D jungo:

jungo : Hic enim Vir vix quadragesimum ætatis annum attigerat, & sine dubio vitam diutius protraxisset, si majorem herniæ suæ rationem gessisset.

Capitis
dolor
instans

Et hoc autem die capitis dolor me denuo vexavit, cui verò nullum ex supra jam memorata causa opposui remedium, eum nempe à balneo derivans, hincque ante hoc absolutum vix cessaturum, mihi persuadens.

Senes feliciter
balneo
utentes.

Die 23. Julii balneo utens Senex quatuor vel quinque annis septuagenario major, simulque referens, hoc sibi summè conducere, me permovit, ut hoc ad Hospitem nostrum detulerim, qui responsi loco retulit; Novi quid hoc hic loci non esse, decrepitos enim plures Senes hoc balneum ingredi, & quod profuerit, viresque quodammodo restituerit, testari; hōcque demum annō eo quendam octuagenario majorem non absque fructu usum fuisse; nunquam
itaque

itaque æquiparandi erunt quivis Senes; sunt n. omnino quidam, quibus balnea obessent potius, quàm prodescent, sunt, qui iisd. opus habent, & ferre quoque ea possunt; non sola senectus ergo te permovebit, ut cui balneum dissuadeas, cùm horum Senum exemplum abundè doceat, quosdam illud non absque fructu ingredi.

Meridie, dum barbam mihi totondit Vir quidam, qui diu jam juxta hanc operam Chirurgiam exercet; is mihi narravit, quòd ante aliquot annos in via offenderit opificem quendam Juvenem, qui de tumore & dolore Scroti conquestus, opem suam quæsierit; quia verò tum ad alium ægrotum properârit, se ei suasisse, ut proximè situm oppidum Geißlingen adeat, ibique, ut in Xenodochium recipiatur, rogitet, postmodum enim fideliter se eidem adstiturum: Placuit consilium Juveni, & sicut quidem Chirurgus pro-

Scrotum
sphacela-
tum cu-
ratum.

miserat, in Xenodochio recipitur, ibique adventum hujus expectat; qui rediens statim eundem visitat, & scrotum non solum tumidum verum & sic inflammatum invenit, ut gangrænam instare nullus dubitaret; Medicum itaque loci tum ordinarium adit, & hunc propterea consulere vult, at eum domi non offendit, ea itaque medicamenta, quæ aliàs in gangræna proficua expertus fuerat, interea applicat, donec is quoque accedit; at nec hæc, nec quæ interna à Medico ordinata fuerunt, impedire potuerunt, quin malum indies incrementum sumisset, sic quidem, ut quodam mane totum scrotum nigrum sicque spæcelatum invenerit, cum præsertim ubicunque illud pupugit, æger nec minimum persenserit; hinc verò pro desperato eundem habens Chirurgus cruciatim scrotum incidit, ubi multum feri putidi atque foetentis profluxit; applicavit hinc medicamenta partim

tim refrigerantia gangrænæ dicata,
partim calida sphacelo opposuit,
(tam egregiè scilicet is ratiocina-
batur) nullus dubitans, brevi in-
mortis prædam cessurum ægrotum;
verum enim verò præter spem emor-
tua caro cutisque paulatim à sanis
separari cœperunt partibus, ita ut
nudi testiculi, & per ductum urina-
rium means urina conspici potue-
rint; hincque paulatim nova cutis
inducta fuit, sicque pro desperato
habitus sanus DEI gratiâ domum re-
diit; qua medicamenta nempe,
verasque morborum causas tam crassa
multorum est ignorantia; ut nisi
casus vel fortuna juverint, vix unus
alterve fervaretur; laudandus interea
hic, quod notato sphacelo partem af-
fectam statim incidit, sic enim, ne
malum ulterius progressum fuerit,
impedivit, hincque postmodum eò
faciliùs curari potuit.

Inciso
in spha-
celo lau-
data

Hoc die iterum per totum diem
dolor capitis me divexavit.

Encænna

Dolor
Cervicis
acerbus.

Dies 24. Julii DEO Sacer Ejus quoque honori fuit datus, hincque tum mane, tum meridie concionem S. frequentavi, & DEO pro immensis beneficiis gratias submissas egi; circa vesperam, quia Encænna hic loci celebrabant, hilares se præbentium Juvenum Virginumque locum adivimus, eosque aliquamdiu saltantes vidimus; postmodum verò in proximum oppido pagum *Altens- stadt* exspatiavimus, ubi in via quidam Civis Geislingensis retulit, quòd ante aliquot annos dolore cervicis tam acerbo detentus fuerit, ut per aliquot dies caput nec erigere quidem potuerit, cui Medicus tum hujus loci sat Celebris, beatus *Dn. D. Gerhardus*, amicus meus, dum vixit, syncerus, varia quidem medicamenta at quævis omninò frustra opposuerit; unde aliquando quodam mane lecto suo per dimidiam quasi horam instar dormientis adfederit, tandem verò quasi evigilans jussit, ut

Uxor

Uxor sua bonam quantitatem aquæ Rötelenfis domum deportet, hanc calefaciat, calefacta Gutturium repleat, hujus sic positi, ut commodè ego cervicem submittere possim, epistomium aperiatur, & aquam calidiusculam super meam cervicem guttatim prolabi sinat; cui consilio cum satisfecissemus, illico intentus dolor sic se remisit, ut statim iterum non solum caput erigere, verum & aliis operibus præesse potuerim; unde continuavi quidem hoc remedium, at sequenti Anno, suadente sic eodem laudato Medico, ipsum balneum ingressus fui, ubi quidem in principio pessimè me habui, at postea tantum DEI gratiâ profuit, ut sufficienter ejusdem laudes extollere non possim: Est verò hic sic sat antiquus inveteratos dolores curandi modus, nec frustra sine dubio in usum revocaretur; uti quidem in quibusdam Thermis hodiernum interdum Embrocationem, uti Bar-

Emb-
ro-
cha cum
fructu
adhibita.

Balneum
primò
minus
condu-
cere vi-
sum.

bari vocant , adhiberi , constat.

Ictericus
color
Acidula-
rum
porum
urgens.

Hoc die sub instante capitis dolore flavedine denuo obductas manus meas notavi , hincque urina etiam tinctiore acidulas quoque Uberkingenses bibere cœpi ; quibus DEUM clementer benedicturum , vel ideo magis spero , quia plurimos easdem ab hoc malo liberasse memini.

Conva-
lescentiæ
spes.

Die 25. Junii , utut S. Jacobo dicatus , nihilominus Balneum pro antiquissimo loci more calefiebat , unde & ego præmissis consuetis precibus horis matutinis ingressus sum , colore semper magis flavus , urina verò jam priorem naturalem colorem denuo acquirente , & dolore capitis DEI gratiâ notanter se remittente ; eò lubentius itaque Aquas medicatas tum Rötelenenses , tum Uberkingenses continuavi ; & sanè illas hodiè egresso omnis calor flavus disparuerat , qui tamen postmodum rediit , unde acidulas subjeci.

Matrona quædam propinqua adfinitate mihi conjuncta narravit, quod ante aliquot annos quædam è suis amicis, Vetula integerrima, non tam graviore quodam morbo, quam ipsa senectute, septuagenaria quippe major extiterat, decubuerit; hanc accedens Ecclesiæ Minister quidam dexterrimus, & rerum medicarum quodammodo peritus, at huic peritiæ nimium fidens Venæsectionem huic Vetulæ non tam à pressis, quàm paulatim evanescentibus viribus difficiliùs respiranti mirum quantum commendavit; quam quidem alter Medicorum præsentium admisit, alter verò mortem acceleraturam, expressè prædixit; adhibetur tamen Ecclesiastæ inprimis fides, & Vetula primo itidem renuens persuadetur, ut Venæsectio instituta fuerit; at vix deligato brachio cum morte conflictari incipit illa, pauloque post beatè obdormit: ne itaque tam generosum remedium semper magis

Venæsectio vetulæ male cedens.

diffametur , morti tam propinquæ
vix ullus in posterum commendabit.

Venæse-
ctio os-
primè
condu-
cens.

Multò magis tamen profuit post-
modùm Virgini cuidam octodecim
annorum, quæ acutè febricitans o-
mnia prorsus medicamenta sumere
derectavit , unde quidam medica-
ster Clysterem commendavit , qui
tamen ipsis adstantibus suspectus eos
permovit, ut alium etiam Medicum
consultuerint; qui in præsentia ordi-
narii Virgini summè plethoricæ Ve-
næsectionem suavit , quæ & ordina-
rio licèt renuente, certoque mor-
tem subsequituram prædicente, in-
stituta fuit; at sicuti Virgo, quæ
prius nec verbum protulerat, eâ vix
celebrata, loqui denuo cœpit, ita
ab illo tempore se melius habuit, &
sequenti die Variolæ erumpere cœ-
perunt; quæ sine dubio graviora ad-
huc produxissent mala, nisi sanguis in
tempore subtractus eadem impedi-
visset.

Diei 26. mane, utut hanc no. Acidulæ
sudorem
moven-
tes.
Item DEI gratiâ quietiorem reliquis
pluribus duxerim, manus nihilomi-
nus adhuc flavedine obductas nota-
vi, hincq; acidulas, antequam bal-
neum frequentavi, bibi; quæ nunc
sudorem inprimis moverunt, alvo
aperta quidem at dura, & urina in-
confueta, non majori vetò quantita-
te profluente.

Ne verò Thee prorsus oblivioni Thee in
Aqua
Rötelenſi
infu-
sum.
traderetur, ejusdem convenientem
quantitatem in Aq. Baln. Rötelenſis
infundere jussi; quod potum gustui
tam gratum exſtitit, ac cum ulla alia
aqua extractum, nec colorem quo-
que alium acquiſivit; ſi itaque deli-
catior quidam hâc aquâ pro potu o-
pus haberet, hic commodiſſimè
Thee eidem adjicere poſſet, quæ
Herba ſimul ejus vires non tam im-
minueret, quam augeret; qui verò
exſiccatione quâdam humorum in-
digent, ſine dubio has aquas ſic non
absque fructu biberent, de quibus af-
ſerunt,

Aqua
Röte-
lenſis

eum fru-
ctū bibi-
sur.

serunt, eas nunquam sic in nimia
quantitate bibi posse, ut vel mini-
mam inducerent noxam; utut verò
ab iis, qui balneo utuntur, in non ita
exigua quantitate bibantur, nemi-
nem tamen inveni, qui eas solum in
potum adhibuisset.

Paralyfis
à percus-
sione.

S. Jacobi Festo, quia pleriq; Vi-
no nimium indulserunt, non potue-
re non & lites succedere, quæ cujus-
dam, de quo plerique meliora spe-
rarunt, mentem sic exasperarunt,
ut fustim sat grandem è terra extra-
xerit, & quendam Sartorem seu re-
verà seu imaginarium hostem ag-
gressus fuerit, eumque tam graviter
percusserit, ut in principio pro mor-
tuo à vicinis fuerit habitus; acce-
dens tamen & ego, pulsumque pla-
nè non mutatum inveniens, & ebri-
um esse Juvenem quibusvis adstanti-
bus testantibus, vomitu etiam acce-
dente quietem eidem inprimis com-
mendavi; delatus postmodum do-
mum fuit Juvenis, & mane sequenti
à loci

à loci Physico & Chirurgis ordinariis visitatus, qui eum paralyticum qua latus dextrum invenerunt, & hinc non nisi dubium dare Prognosticon potuère; quia tamen urinam non inscius reddidit, alvum etiam apertam habuit, non omnem spem deponendam esse credidi; medicamenta ex Succin. Castor. Cinnabar. Liq. c. c. succin. Specif. Ceph. D.M. diligenter continuabantur, nec externi quippiam intentatum relinquebatur, dum non solum imposita & inuncta convenientia, sed & tonsura capilli remoti fuerunt; unde tertio ferè die sensus quidam partis paralyticæ rediit, qui majorem spem addidit, utut adhuc dubiam, quia de insigni capitis gravitate ac dolore conquerebatur Juvenis; licetque febrim abesse pulsus indicarit, calor tamen tangentis manus quasi urens suspectus mihi fuit, dum metui, ne forsitan sanguis grumofus intra Cranium latitet,

latitet, qui sanè gravissima excitasset mala.

Verte-
bræ sub.
luxatæ.

Circa vesp̄eram diei, quo hæc scripsi, Physicus loci ordinarius me visitavit, & retulit, se in modò dicto Juvene vertebrae superiores subluxatas invenisse, & hinc trahendo & manu juvando per Chirurgos easdem loco suo restituisse; hinc verò Juvenem jam longè melius se habere, nec sic deesse motum lateris dextri, quin major & hujus restituendi spes quotidie affulgeret; quod eum, qui hoc facinus perpetravit, hætenus captivum non parum solabitur; sexto ferè die Ischuria accessit, calorque p. n. auctus fuit, unde nunc vena secta sanguis subtrahebatur, quod non solum urinam revocavit, sed & calorem nimium extinxit, paulatimque hinc convaluisset Juvenem, postmodum mihi relatum fuit.

Die 27. Julii lectum DEI gratiã tam sanus tamque alacris reliqui, ut summo huic meo Sospitatori Servatori-

toriſque ſubmiſſas devotasq; egerim gratias; tantas autem me agere nunquam poſſe, quantas debeo, humilime fateor; tam multa enim mala, tam graviter me haſtenus torſerant, ut niſi DEUS juviſſet, hiſce vix ita diu adhuc ſuper-eſſe potuiſſem; at juvit is clementer, juvit benignè, juvit magis ac quidem optare, citius, ac ſperare potuiſſem; ſit Is laudatus in ſecula: continuavi nihilominus tum acidulas, tum balneum.

Gratiarū
actio.

Intravit hocce hodiè Torneo quidam, qui laſſitudinem ante annum ſubortam, illud optimè diſcuſſiſſe, ſicut retulit, ita hoc anno idem præſtiturum ſperavit: narravit verò in balneo, ſe ante aliquot annos laboraviſſe cervicis dolore tam acerbò, ut Medicum, intereà jam diu vivorum numero ſubtractum, conſulere opus habuerit, qui noſcens, plurimos Geislingenſium eſſe Tabacophilos, & hunc hoc fumo ſe nimium delectare hinc nullus dubitans,
ut

Nicotia-
na ead.
horà
ſuaſa &
diſſuaſa.

ut in posterum minus ejusdem hau-
riet , serio commendavit ; cum
verò postea ex eodem percepisset ,
per quindecim integros, & quod ex-
currit annos, eum nec semel quidem
fistulam nicotiana repletam ori ad-
movisse, inde stante pede con-
siliū mutavit, & ut in posterum
quotidiè unam alteramve modo
consueto evacuet, suavit, nec aliud
eidem suggessit remedium; & sa-
nè hoc ipsum tantum profuit , ut
ab illo tempore dolores se remise-
rint , ipseque nicotianæ usum in-
hunc usque diem continuet: Quam
sedulò apophtegmatismos commen-
daverint Veteres, vel parum eosdem
evolventem non potest latere; qui-
bus sicut sic sat commodè Nicotiana
substituitur, cum plurimum feri vi-
tiosi ex ore subducatur, ita si debito
modo & præmissis præmittendis in-
usum ducatur, abususque arceatur,
non minori utilitate adhibetur.

Ut

Ut semper magis magisque sanitas Divinâ gratiâ recuperata confirmaretur, per integram hanc hebdomadam balneum acidulasque continuavi, & hinc 28. die Julij illud iterum ingressus fui, nilque ferè notatu digni occurrit, nisi quod Torneo, cujus heri mentionem feci, in balneo, cum secundo illò usus fuisset, tam malè se habuit, ut ex illo secedere aliquamdiu opus habuerit, nec diu, illud nihilominus iterum intrans, in eodem subsistere potuerit; sicuti verò retulit, idem planè ante annum sibi contigisse, postmodum verò balneum optimè se tulisse, ita & hoc anno de reliquis balneis non habuit, quod vel minimum quereretur: non itaque statim animus est deponendus, si vel maximè in principio quis balneum vix ferre possit, audentior contra ito, nec te facti poenitebit.

Balneum
in principio
ferre non
potens.

Hodiè etiam Hospes noster de ardore ventriculi subindè subito suborien-

Ardor
ventriculi ad

caput se
extēdēs,

oriente, & ad caput usque se extendente, illudque turbante, conquestus fuit, ubi ipse quidem vomitorium pro remedio maximè conveniente habuit; at ætate propè septuagenario hoc minùs convenire judicavi; præsertim & alio contraindicante non minùs considerando: Pulv. lapid. Cancr. itaque ego quidem commendavi; capitis verò præsertim rationem habendam esse censens Physicus loci ordinarius, Liq. c. c. succin. laudavit, qui nocere nullo modo poterit, dum & is acidum in ventriculo peccans corrigit.

Leprosam
jamjam
instans.

Dic 29 Jul. Acidulas & balneum continuavi, propiusq; hoc die inspexi Hospitis cujusdam Altenstætenensis filium, qui scabiei ergo balneutebatur, inveni que malum tam perversum, ut si puer ad me deferretur, eum leprosis adscribere nullus dubitarem; cum præsertim postmodum Mater retulisset, à prima infantia

fantia hunc filium suum cum hoc externo vitio conflictari, pluriumq; remedia se haftenus frustra omnino in usum duxisse, tum interna, tum externa, nullum enim unquam vel minimum profuisse; nisi v. hunc cura per Saliv. Mercur. instituta juverit, nō nisi difficillimè sanitati restitueretur.

Haftenus etiam balneo mecum usus fuit insignis quidam Hospes Ulmenis, is doloribus inter scapulas periodicis jam diu tortus, varia iisdem frustra omninò opposuerat remedia, unde tandem in his aquis auxilium quaesivit; ut ut verò in principio aliquoties vehementius redierint, paulatim tamen sic consumti fuere, ut jam se non habere, de quo queratur, testetur; quantum verò balnea & in discutiendis internis quibusdam morbis subindè profint, egregius hic testis existit.

Die 30. Julii præmissis acidulis ultimo balneum intravi, & postquam per horam in eodem moratus

Dolores
inter sca-
pulas pe-
riodici,

Cura fi-
nita.

fui ; finem huic curæ imposui ;
DEO T. O. M. infinitæ sint grates,
 quòd tam clementer huic Curæ be-
 nedixerit, & sanitatem non parum
 labefactatam restituerit ; Faxit hic
 meus summus Sospitator, ne tanto
 hoc dono in posterum abutar, aut
 eidem intemperantia ipsemet insi-
 dias struam, sed ut potius illud ad-
 bibeam in Divini Nominis gloriam,
 liberorum sedulam educationem, &
 ægrorum in primis salutem suam mi-
 hi credentium seriam sollicitamque
 curam.

Geislin-
 gen-
 sium
 humani-
 tas-


Post prandium iter meum Ul-
 mam institui ; non possum verò non
 laudare summam oppidi hujus Inco-
 larum humanitatem, dum non so-
 lùm suprà laudatus Hospes Cos. Bun-
 zius per totum tempus, quo ibi vixi,
 non instar Hospitis, sed sicut Pater
 me tractavit, idque pretio tam
 moderato, ut laudem vel ideò quo-
 que mereatur ; Sed & reliqui quo-
 ties

ties præterivi, ut salutare sit balneum humanissimè apprecati sunt aliqui etiam Rosas, floresque Tunicæ dono dederunt, & quæ plura sunt humanitatis officia, quæ quantum in ipsis fuit, lubentissimè atque promptissimè præstiterunt.

Habent ibi templum sic sat magnificè extructum & antiquum, dum inscriptio docet, An. 1424. jussu Magistratûs Ulmensis Nicolaum Umgelter / primum posuisse lapidem, qui quantum ex habitu patet, tum Sacerdotem egit; inter cetera in hoc templo mihi placuit Epitaphium Patroni beati Parentis mei olim summi, Generosi Domini Erhardi Schadii, quod ipsemet mortis memor ante beatam suam mortem scripserat, quod propterea hic communico:

Geislingensium templum

Epitaphium Schadianum.



Viator

*Siste quaso! pedem, & sedulo meditare,
Te mortalem esse.*

*Vah quantum meditationum pelagus!
Hoc te scire volui,*

*Mortis omnium molestiarum,
Dulcis levaminis*

subinde jucundè memor

Erhardus Schad

XX Annorum Albecci & Leibheimij,

XXXI Annorum Geislingæ

Præfectus,

Qui, quoad vixi, mortuus sum

Mori desii

Die XI. Mensis Novembris

Post continuâ LXXVII annorū mortem,

Anno natæ mihi Vitæ

Et mortuæ mortis

M DC LXXXI.

Abi Viator

Et ut benè moriaris, benè vivere,

Ut optimè vivas, benè mori disce.

Mortales Valetè,

Immortales Havetè.

Ulmæ

Ulmæ hinc superatâ tempesta-
te minus favente, DEI gratiâ, bonis
avibus appuli, & humanissimè à
Domino Rectore Nothen / Domino
Adfine meo æstumatissimo, exce-
ptus fui.

Diem 31. Julii, quæ iterum erat
Dominica, S. Concionem bis fre-
quentando celebravi, & inprimis
in signem illum Theologum Domi-
num Doct. Veielium audiendo non Veielius.
parùm mentem recreavi, dum quo-
modo Christiani Encænia celebrare
debeant, (hæc enim & hic loci in-
ciderant,) eleganter docuit.

Convivio postmodùm me excepit
præcipuus quidam Mercator Augu-
stanus, quem pedis sinistri subluxa-
tio, & hanc insequentes dolores a-
cerbi hic loci præter opinionem per
plusculos dies detinuerant; usus is
fuerat Acidulis Deinacensibus, quas
semper brevi se per alvum reddidif
se, hincque optimè sibi conduxisse,
retulit: Narravit hic quoque, ali-

Pedis si-
nistri
subluxa-
tio.

Acidulæ
Deina-
censes.

Nausea
excipiens
frigus &
calor.

quando in Itinere constitutum, Ju-
sculum se comedisse, & suspicione
suborta, seivum quoque huic inco-
ctum fuisse, se tantam nauseam in-
de percepisse, ut non solum om-
nis appetitus prostratus fuerit, ve-
rum & pondus ventriculum occupa-
rit, non parum molestum; conti-
nuasse se interea nihilominus iter.,
at vix hospitium prandio dicatum in-
trasse, ubi tantum successerit frigus,
ut vix vel pluribus injectis lectis abigi
potuerit, quod calor exceperit, vi-
res imprimis prosternens, quibus
malis Tincturam Bezoarticam &
pulverem similibus viribus impræ-
gnatum tantâ cum felicitate oppo-
suerit, ut subsequente sudore iter.
suum prosequi potuerit, sanusque
DEI gratiâ domum redierit.

Iæctus
vino me-
dicato
cedens

Post meridiem Avunculum me-
um Blossium visitavi, qui hisce die-
bus Ictero laborans huic malo non
absque fructu Vinum medicatum
opposuerat, quia verò querebatur,
adhuc

adhucdum urinam planè tinctam se excernere, aliquoties iteratum potum Acidularum Uberkingensium, eidem commendavi: omninò verò olim jam Vina medicata Ictero feliciter opposita fuerunt, licet hodiè breviorè viâ is per martiata feliciter abigatur.

Præscripsi quoque Studioſo cui-
dam ſcabiſo purgantes Pilulas, quæ
ex Mercur. dulc. & Jalapp. in primis
conſtituiſſe, qui vel parum in lineis
meis medicis verſatus eſt, facilè ariolari poterit: Et ſanè, (quicquid nonnulli novatores ogganniant,) ſcabiſi ut purgantia aliis curis præmittant, omnino opus habent, dum ſerum vitioſum non ſolùm qualitate, ſed & quantitate læpiuſculè peccat, hincque novum non eſt, vel ſolis purgantibus ſcabiem feliciter depulſam fuiſſe: nolim verò draſtica illa & vehementia adhibeas, cùm Jalappa in primis tantum non quibuſvis ſufficiat.

Purgans
ſcabiſo
præſcriptum.

Catarrhi
ad fauces
meta-
sthefis ad
oculos.

Die 1. Augusti post auditam con-
cionem Cognatum meum Chirar-
gum sat celebrem, Georgium Ried-
linum, visitare volui, quem verò in
ædibus Dn. Rectoris me inventu-
rum retulerunt, ad quas dum tendo,
in via eundem offendo; hic inter
alios proficuos sermones narravit,
quod hisce diebus opera sua usus
fuerit Per-Illustris quidam Baro, pri-
mo catarrho ad fauces & palatum
tam acri vexatus, ut quævis hæ par-
tes cuticula nudatæ fuerint; utut ve-
rò huic nonnisi præmissis universali-
bus Mannatis Potiunculis alia medi-
camenta opposita fuerint, hæcque
tantum profuerint, ut jam molestus
esse desierit hic catarrhus; subito ta-
men successisse tam molestam oph-
thalmiam, ut non solum oculi inde
multum intumuerint, verum & eo-
rundem usu aliquamdiu destitutus
fuerit, inprimis verò nunc profuif-
se Vesicatoria, tantumq; levamen-
tum attulisse, ut Generosiss. Domi-

nus

nus Baro non parum lætatus fuerit: quæ quidem Vesicatoriorum usum non parum confirmant: Consuluit hoc ipso die me quædam adfinitatis quodam gradu mihi conjuncta, con-
 quæsta de capitis dolore jam diu molesto, cui varia medicamenta hæc-
 nus frustra opposuerit; in cujus cau-
 sas dum accuratiùs inquirò, jam per-
 benè longum temporis spatium se-
 singulis mensibus tantum sanguinis
 per uterum perdere, quantum vel
 puerpera perdat, utut jam quinquag-
 gesimum agat annum, inter cetera
 retulit; hinc ergò sanguinem minùs
 spirituosum, & in motu suo impedi-
 tum, in parvis præsertim capitis vasis
 dolorem hunc producere, nullus du-
 bitavi, & in martiatis præcipuè au-
 xilium quærendum esse, judicavi, ta-
 leque medicamentum præscripsi;
 sæpiùs verò hanc ipsam causam mul-
 lierculis caput inprimis torquere, &
 Medicis multum negotii facessere,
 dum quæ dolori medentur medica-
 menta,

Dolor
capitis
à nimio
mensium
fluxu.

inter
et alia
audire
autem

menta, menses plerumque etiam movent, & hinc ita tutò non adhibentur, aliquoties ego expertus fui; Martiata tamen plerumque profunt, nec frustra in Balneis adstringentibus subindè auxilium quæritur.

Ventri-
culus à
renibus
affectus.

Cùm die 2. Augusti aliquot iterum Amicos Ulmæ visitassem, quidam mihi retulit, quòd nuper per aliquot hebdomadas ob ventriculi debilitatem & flatuum abundantiam pessimè se habuerit, & post purgantia sumta malum semper exasperatum senserit, Clysteribus quidem quoddam levamentum adferentibus, at non nisi semper iterum atque iterum iteratis; jam verò, postquam calculos quosdam excreverit, DEI gratiâ quævis mala sic se remittere, ut iterum muneri suo præesse possit: sæpiùs nempe ventriculus flatusque accusantur, altiores tamen & longè aliæ subsunt causæ; sic Medicum quidem latere non potest, renibus affectis, & inprimis à calculo tortis

ventri-

ventriculum quoque affici, at quòd illi sint in causa, in iis præcipuè, qui jam multos agunt annos, & per totam vitam suam nunquam ejusmodi quid experti sunt, sæpè sat diu latet, quibus interea, quævis alia medicamenta frustra exhibentur, nisi enim calculus excernatur, integre non sanantur.

Narravit Cognatus meus supra laudatus, quod aliquando puer ad se delatus fuerit, quem herniâ laborare mater edixerit, hanc verò reverà non subesse, sed flatus solum scrotum distendere, se invenisse, & hinc non tam sectione, quàm aliâ externâ curâ opus habere, judicasse; at accessisse eam postmodum Castratorem quendam, qui statim omnino herniam subesse, asseruerit; sic quoque rem ad Magistratum detulerit, ut is sectionem sumtibus communibus in pauperculo instituendam consenserit; at cùm hoc comperisset Riedlinus, reitidem ad Magistrat

Herniam
pessimè
simulās.

stratum delatâ sectionem feliciter
 impediit , & puerum postmodum
 non adeò difficulter restituit ; Vix
 verò præteriêre tres menses , quòd
 puer cū matre rediit , & is quod ma-
 gis quam prius hernia laboret , con-
 questus fuit ; unde ut aliquot artis
 periti & Medici præsertim eum inspi-
 ciant , Senatus Inclutus iussit , qui
 quidem eum sanum invenerunt ; at
 excepit puer , tum demum intestina
 in scrotum prolabi , si corpus move-
 at , donec hoc consueto magis cale-
 fiat ; Illico igitur iusserunt convoca-
 ti , ut per viam sat longam & binos
 Urbi proximos montes per duos vi-
 ros is ducatur , & redeuntem sat
 calefactum denuo inspexerunt ; at
 eundem non magis ac prius læsum
 invenerunt ; quod cū Magistratui
 denunciassent , hic dolum sub-
 esse nullus dubitavit , & hinc pue-
 rum in carcerem conjecit , ubi fas-
 sus est , matre sic suadente , se supra
 dicta finxisse , quæ sic se eleemosy-
 nam

nam facilius aliis extorsuram speraverit, & sibi braccas novas, fercula, & nescio quæ alia promiserit: dum ergo de hernia consuleris, & hunc morbum interdum simulari, ne obli-
viscaris.

Die 3. Augusti Cognata narra-
vit, filium suum ante paucas hebdo-
madas vivorum numero subtrac-
tum fuisse, hunc verò febre continuâ
malignâ laborasse, quod & Medicus
consultus, primò statim indicavit;
at quid de purgantibus & clysteri-
bus postmodum non semel solum
iteratis, de Venæsectione & scarifica-
tione institutis sentiendum sit? facile,
qui mea scripta legit, quæ mea sit
sententia, judicabit.

Febris
malignæ
infelix
cura,


Hoc ipso die domum iterum pro-
peravi, & sic DEO Comite Günz-
burgum perveni, ibique pernoctavi;
ubi Hospes, quòd medicamenta à
me præscripta mala supra descripta
feliciter.

*Iter fini-
sum.*

feliciter removerint, retulit, gratiasque egit summas, & simul honorarium exhibuit; nil verò notatu digni ulterius contigit, nec hoc, nec sequenti die, quo Iter continuavimus, & DEI gratiâ finivimus; Cui iterum atque iterum sint laudes infinitæ, quod per totum hujus tempus tam clementer mihi adstitit, & non solum quævis infortunia avertendo, verum & balneo, aliisque adhibitis tam benignè benedicendo juvit: Juva, ô DEUS meus! me, & in posterum, & ego in secula Te laudabo.



INDEX.




INDEX.

A.

A cademia Natura Curiosorum certam sedem non habet.	28
Acidula alvum solum moventes.	14
Deinacenses.	71
Egranae.	14
sudorem movens.	59
Uberkingenses antipodagrica.	41
Urinam moventes.	59
Alaudam comestam sequentia mala.	17
Alvi fluxus à balneo.	32
Aqua caerulea.	8
colore carens.	ibid.
communis plurimos habet usus.	9
laudat Dominum.	7
limites servans.	ibid.
nobilissimum humidum.	8
regenerans.	9
cum fructu bibitur.	60
Rötelenensis semper clara.	27

F

Aqua



<i>Aqua medicata.</i>	9
<i>Supracælestes.</i>	7
<i>Ardor ventriculi ad caput se extendens</i>	65
<i>Argentum in frumenti grano repertū.</i>	32
<i>Arthritis absque recidiva.</i>	20
<i>ne redeat, quomodo impediatur.</i>	21
<i>Asarum pro hepatica habitum.</i>	34
<i>Auctoris morbus.</i>	10

B.

<i>Balnei odor gravis.</i>	49
<i>Balneo utentes in eodem edentes & bib.</i>	24
<i>Balneum Dalsingense.</i>	16
<i>tempore maximè opportu-</i>	
<i>no non calescit.</i>	18
<i>in principio ferre non potens.</i>	65
<i>minus conducere primò visum.</i>	55
<i>Rötelenſe adstringit.</i>	27
<i>colorem lictericum reprodu-</i>	
<i>cens.</i>	27
<i>Crocum martis vel bolum</i>	
<i>continet.</i>	27
<i>Dalsingensi substitutum.</i>	19

C.

<i>Calceus pectori impositus homicidam domi</i>	
<i>detinens.</i>	42
<i>Cal.</i>	



<i>Calculi dolores crescente Lunâ aucti.</i>	34
<i>Calculus sectionem non admittens.</i>	33
<i>Capite truncatus braccas suas detrahenti comparens.</i>	4
<i>ementi comparens.</i>	37
<i>Capitis dolor à balneo.</i>	45
<i>instans.</i>	50
<i>nimio mensium fluxu.</i>	75
<i>dolori & febris albæ principiiis op- positum balneum.</i>	26
<i>Catarrhi ad fauces metathesis ad oculos.</i>	74
<i>Cervicis dolor acerbus.</i>	
<i>Ciconia brevi bis ova ponens.</i>	30
<i>Ciconiarum bellum.</i>	ibid.
<i>nidus corruens.</i>	29
<i>Clyster Phrenitidem reproducens.</i>	23
<i>Convalescentiæ spes.</i>	56
<i>Crucibus insignita puella.</i>	31
<i>Cura finita.</i>	67

D.

<i>Diabetis quadam principia.</i>	12
<i>Diabolo se mancipasse fingens.</i>	39
<i>Diabolum sibi pecuniam mutuò dedisse fin- gens.</i>	38
<i>Diarrhæa Venæsectione omissa, & balneo adhibito cessans.</i>	46



<i>Dolores artuum.</i>	15
<i>urentes balneo succed.</i>	44
<i>Cervicis acerbus.</i>	54
<i>inter scapulas periodici.</i>	67

E.

<i>Embrocha cum fructu adhibita.</i>	55
<i>Encenia.</i>	54
<i>Epileptica sanguinem decollati bibens.</i>	44
<i>Epitaphium Schadianum.</i>	69

F.

<i>Febris maligna infelix cura.</i>	79
<i>suspicio.</i>	12
<i>Femoris fistula.</i>	41
<i>Ferarum pestis.</i>	19
<i>Fontes medicati plus quàm mille in Germa.</i> <i>nia scaturiunt.</i>	9

G.

<i>Geislingensium humanitas.</i>	68
<i>Templum.</i>	69
<i>Gratiarum actio.</i>	63

H.

<i>Herniam pessimè simulans.</i>	77
<i>Hernia occidens.</i>	49

I.

<i>Icteric9 color acidularum potum urgens</i>	56
<i>Icteri principia.</i>	13.
	<i>Icterus</i>



<i>Icterus Vino medicato cedens.</i>	72
<i>Incisio in sphacelo laudata.</i>	53
<i>Insomnia molesta.</i>	15
<i>Ira noxius affectus.</i>	10
<i>Iter finitum-</i>	80
<i>institutum.</i>	16

L.

<i>Lassitudo ebrij brevi cedens.</i>	16
<i>Lepra jamjam instans.</i>	66
<i>Lithargyriata non omni prorsus noxa caa-</i> <i>rent.</i>	28
<i>Ludovici laudatur.</i>	13

M.

<i>Macula post balneum.</i>	45
<i>Melancholia ab utero facile redit.</i>	46
<i>Mictio cruenta.</i>	42

N.

<i>Nauseam excipiens frigus & calor.</i>	72
<i>Nicotiana eadem hora suasa & dissuasa.</i>	63

P.

<i>Paralysis à percussione fortiore.</i>	60
<i>Pedis sinistri subluxatio.</i>	71
<i>Pharmacopæus herbas dignoscere discat</i>	35
<i>Prædationem malè concedens.</i>	ibid.
	Pur.



<i>Purgans scabioso praescriptum.</i>	73
<i>tempore mensium summa cum nota sumtum.</i>	22

R.

<i>Rosarum odorem ferre non potens.</i>	25
---	----

S.

<i>Scrotum sphacelatum curatum.</i>	51
<i>Senes feliciter balneo utentes.</i>	50
<i>Superfætatio notatu digna.</i>	47

T.

<i>Thee in aqua Rötelenſi iufuſum.</i>	59
--	----

V.

<i>Vejelius.</i>	71
<i>Venæſectio ſubindè utiliter omittitur.</i>	47
<i>Vetula malè cedens.</i>	56
<i>Virgini optimè conducens.</i>	58
<i>Ventriculus à renibus affectus.</i>	76
<i>Vertebrarum ſubluxatio.</i>	62
<i>Vertigo.</i>	17
<i>Virgo carceri includi volens.</i>	46
<i>Vomitorium cur praescriptum.</i>	18



GEORGII RIEDLINI,
Chirurgi olim Ulmenfis laudatiffimi,
dudum Beatis adfcripti,

OBSERVA-
TIONES CHIRUR-
GICÆ RARIORES.

Editæ

ab

AUCTORIS NEPOTE
D. VITO RIEDLINO,
Ulmenfi,

*Physico Auguftano, atque Academico
Curiofo.*

Auguftæ Vindelicorum,
Apud LAURENTIUM KRONIGERUM,
& Hæredes THEOPHILI GOEBELII,
Typis Abtâhami Guggeri, 1702.

GEORGE R. DILLON

Chairman of the Board of Directors

of the

OBSERVER

OF THE

OF THE

Editor

OF THE

D. VITO R. DILLON

Editor


OF THE

OF THE

OF THE

OF THE

OF THE



L. B. S.

Natus est, cujus *Observationes Chirurgicas* hîc communico, Ulma, anno post Christum natum 1574. die 11. Julij, Patre cognomine, & tum hoc, tum Avo Abavoq, arti Chirurgicæ addictis; quam & ipse sic addidicit, ut non solum, quemadmodum olim singuli sui Genitores, primarius Urbis Chirurgus à Magistratu constitutus fuerit, sed & egregium nomen acquisiverit; ut adeò insignis quidam Medicus & Chirurgus in publico suo scripto peritissimum præ ceteris Chirurgum nominare eundem non dubitarit; & magnum sui desiderium post se apud plures reliquerit: Non solum verò Filij, sed & Nepotes quin Abnepotes ex eodem descenderunt, qui omnes sedulo Chirurgiæ operam navârunt, ac hodienum navant: Inter quos



nominis celebritatem meritò nactus est, qui adhuc vivit Nepos, Georgius Riedlinus; itidem apud Ulmenses perititissimus in hac arte Magister: Hanc vitam autem cum meliori commutavit noster Anno 1648. d. 18. Augusti.

Collegit has observationes Filius ejusdem, Vitus Riedlinus, D. Medicinae, & Physicus Ulmensis, beatus meus Pater; sic quidem, ut quasdam, quibus Ipse interfuit, è memoria sua promserit, quasdam verò ex schedis manuscriptis, è vernacula in hanc linguam transposuerit; quas rariorum nomen mereri, vel ideò nullus dubito, quia pleræq; non nisi raro vel exercitatissimis in Praxi Viris obveniunt: singula etiam usum suum habent, quem experti facile eruent.

Sicuti verò hoc tam seriis illorum monitis, qui quasvis in scriniis adhuc latentes Observationes notatu dignas in publicum protrahere optimè jubent, tum pietati, qua B. Avo sum obstrictus, debui; ita quæ in Itinere Medico quibusdam forsan displicuere, has Observationes compensaturas, totus spero. Vale.

OB-



OBSERVATIONES Chirurgicæ rariores.

I.

Verruca Menyngis dura.

ANno 1630. d. 11. Februar. apertum fuit Cranium Mariæ fundin viginti duo annorum, quæ per plures annos satis vehementes capitis dolores sustinuit, ita, ut præ illis nulli labori ob eundo firma satis extiterit, nec quicquam levaminis à pluribus medicamentis perceperit; Mortuæ cerebrum ejusq; Menynx crassa glandulis verrucosis totum penè obductum fuit.

II.

Cancer oculi sinistri.

Hunc vidi in puero trium annorum, pugni magnitudinem æquantem; dege-

bat is in orphanotrophio Ulmensi; at frustra adhibitis variis medicamentis periit. Anno 1631,

III.

Cancer labij inferioris

Rustici An. 1626. d. 8. Julij secti: Involutus tumor, & ligatus filo duplicato, postea novacula excisus.

Item alius rustici Langenaviensis, qui Anno 1643. forfice exsectus: Uterque tamen tumor, antequam planè consolidaretur, recruduit, vicina petiit, usque dum vitam planè ademit.

IV.

Mors vehementem Musculi temporalis & ossium Nasi percussione excipiens.

In Milite, quem petulantes pueri rustici in agro, procul dubio dormientem, ita malè baculis tractarunt, ut ipsi inde moriendum fuerit: Aperto capite ossa Nasi confracta, musculusque di-

ctus

Etus valdè contusus fuit, ut abindè cerebrum etiam inflammatum comparuerit. Anno 1635. die 21. April.

V.


Ventriculi Vulnus

Joann. Jacobi Sagen/ Culmbacensis Juvenis, cui ex vulnere ventriculus ad duorum pugnorum magnitudinem protuberavit, per quem etiam cibos & excrementa rejecit; Convaluit An. 1634. d. 24. Augusti.

VI.

Cranij fissura cum depressione.

Jo. Merflin/ Jedelhusanus, sarculo ab alio percussus dictum malum patitur; in plura inde incidit symptomata, nec absque periculo decubuit; at, postquam Cranium trepano apertum fuit, ut sanies eo melius effluere potuerit, convaluit Anno 1636. d. 18. Novembr.



VII.

*Pes uterque frigoris vi corruptus
& amputatus.*

Christiani Dohneri supra malleolos;
primò gangræna; mox sphacelo prius
correptus Anno 1636.

VIII.

Penis ligatura mirè vulneratus.

In Joanne Müller/ puero von Pful/
septem annorum; qui, cum noctule-
ctum permingeret, & obindè subindè
increpatus fuisset, ad hoc malum inter-
vertendū, filo ligavit canalem juxta ab-
domen, cumque illud non solvisset ite-
rum, intra decem dies filum intra cutim
& carnem sic penetravit, ut exigua ad-
huc particula hæserit; discisso filo & me-
dicamentis ritè apposisis brevi rursus
convaleuit. Anno 1638, 2. Januar.

IX.

Lapillus ex hæmorrhoidibus.

Tumidis, suppuratisque ad nuclei
cera.

cerasorum magnitudinem ater & solidus extractus, in Tobia Neubron-
nern/ Mercatore Ulmensi,

X.

Sarcoma uteri orificium externum occupans.

Spithamæ longitudine & pugni crassitie Magdalenæ Wolleibiæ intra octo annos tantum adauctum: quod jam-jam putredine infectum, hincque resectum, & postmodum dissectum instar lardi apparebat. Anno 1640. Mense Augusto.

XI.

Partus monstrosus.

Utroque pede in crucis formam divaricato, alteri alterutro annato: alter pes sex digitis, alter contra quatuor solum instructi videbantur; tum partes genitales, tum anus deerant; dorso vesica sero plena adnata conspiciebatur; Anno 1624. Matthæi Ruhnens/ Sutoris.

XII.

*Anus clausa scalpello re-
serata*

Fuit hæc operatio instituta in Joann.
Neubronners pannorum tonsoris fi-
liolo recens nato Anno 1640. d. 4. De-
cembris.

XIII.

Intestini Vulnus

Et quidem crassi sub umbilico; quod
feces nec non cibos assumptos reddebat,
intra duos tamen menses consolidatum:
in Milite Suecico, Isaac Petri, Stock-
holmienfi, Anno 1641. Mens. Dec.

XIV.

Iliaca Passio

In fœmina ex Bubonocce, quam
ecceles contraxerat; nupta tamen post-
modum quinquies pepererat: Ætatis
anno XXIX. modò dictam incurrit pas-
sionem, & eadem obiit Anno 1646. dic
28. Februarii.

XV.

XV.

Spinae dorsi fractura

Georgii Dauneri Altheimensis, qui A. 1646. d. 10. Sept. de arbore lapsus est, sicque dictam spinam fregit, unde statim corpus infra fracturam insensibile & immobile redditum, urina & alvi feces involuntariè imò planè ipso inscio prodierunt, & die 18. post mors etiam subsequuta fuit.

Pari infortunio succubuit Christianus Herold Studiosus, A. 1637. d. 19. Martii, qui ad 25. diem supervixit.

XVI.

Vulnus ad maiorem oculi sinistri cantbum

Sclopeto minori inflictum post aurem dextram penetrante, in Jacobo Becker rustico: curatum & perfanatum, citra noxam; nisi quod visus oculi sinistri, in quo nil quicquam p. n. apparebat, perierit, A. 1646. d. 19. Augusti.

XVII.

XVII.

Hernia umbilicalis.

In Infante nuper nato, per quam, ipsa intestina conspiceretur licuit, pugni magnitudine; quarto die moritur: An. 1647. d. 24. Febr.

XVIII.

Ascites per Umbilicum

Gangræna corruptum solutus in rustica; quæ supra annum eò decumbebat: abdomenque ad duas & dimid. ulnas turgidum habebat: cum gangræna usu unguenti secederet, aqua confestim effluxit, intra viginti quatuor horas verò mortem induxit.

XIX.

Vesica disrupta.

Ex casu ab alto, in ancilla, quæ ex incendio domûs sese saltu per fenestram subducere voluit; id quod tam infelicitè ipsi cecidit; vixit à 24. Aprilis ad 2. Junii A. 1648.

XX.

XX.

Urina per Umbilicum.

Reddita cum insigni dolore, subsistenteque interea per ductum ordinarium; a Vito primi senii, qui id per biennium continuavit.

XXI.

Steatoma insignis magnitudinis.

In rustica sub ala sinistra, dependens ex cute velut de filo, instar vesicæ suillæ inflatæ; mediæ magnitudinis: nullum inde dolorem habebat, nisi quod de gravitate conquerebatur.

Aliud in perinæo rustici senis, quod primo intuitu pro scroto habebatur, manum longus tumor; & tres digitos crassus. A. 1645.

XXII.

Vulnus in ipso femoris articulo.

Sclopeto minore rustico inflictum: ita, ut inreger processus ille magnus, seu
caput

caput femoris fuerit exemtum; tabido
sensim facto ægroto, & vitam solvente
A. 1645.

XXIII.

*Cancrosum ulcus totum oculum
depascens*

In rustica; cui parvum tuberculum
palpebræ inferiori adnatum ab inepto
herniotomo resectum illud induxerat.
A. 1646.

XXIV.

Hypospadiæus
Rusticus; cui Urethræ in glande fo-
ramen nullum, sed sub glande & fræno
præputii. A. 1646. d. 14. Jun.

XXV.

Vulnera Thoracis
Sclopeto immissa: pone spinam
dorsi, & sub costis veris exeuntia, in du-
obus subjectis Juvenibus observata, fe-
liciterque citra symptomatum notabili-
um superventum curata.

XXVI.

Femoris fractura cum Vulnere

In Viro, cujus historiam habet Scultetus Observ. Chirurg. 85. Item in Virgine Juvencula, quam idem Auctor ibidem describit Obs. 95. Utrique, quod benè adhuc memini, (verba sunt Filii Auctoris, beati mei, qui has Observ. edo, Parentis) supervenit Inflammatio, ob id, quod D. Scultetus ligaturam nimis strictam faciebat; imò in puellæ femore gangrænæ periculum imminebat, nisi Parens superveniens fascias rescasset: cui etiam diu admodum vulnus apertum fuit, tandemque ad spithamæ longitudinem os femoris fuit extractum, pesque obindè mirè brevis, ut singulari instrumento ad progressum opus habuerit.

XXVII.

Manus Inflammatio

Ex vitri punctura in vola, tanto cum dolore, ut penè desperarit æger, nec non gangrænæ periculum imminuerit: Fuit Juvenis, servus Rehlingerianus; sedatâ tamen

tamen inflammatione, & per suppurati-
onem dato exitu, brevi post convaluit:
cujusmodi etiam memini apud fratrem
me vidisse in rustica, quæ fuso medii di-
giti internodium primum læserat: qui
digitus factâ inflammatione jam fuscus
evaserat; restitutus tamen.

XXVIII.

Scroti Scirrhus.

In Juvene multis equitationibus de-
dito: longo tempore protracta fuit cu-
ratio, quæ tandem optimè successit: fuit
Petri Bayers/ Junioris filius.

XXIX.

Abscessus ad os sacrum.

In rustica morbo lento diu decum-
bente: qui apertus novacula insignem
quantitatem puris fundebat; morbo di-
ctam fœminam liberabat, & tandem ri-
tè consolidabatur: erat tumor albus,
latus, nec multum dolens; verus ab-
scessus crisi ad istum locum depulsus.

XXX.

Vulnera Capitis

Simplicia in diversis: quorum nullum Parens extra periculum ponebat; sed omnium curam legitimam habebat, ipsisque ægris diætam maxime injungebat: aliquot namque exemplis, præsertim imperitorum edoctus, nullum capitis vulnus esse extra periculum: in primis Juvenis cujusdam Cerevisiarii, qui leviter ab hero suo in fronte vulneratus nil sinistri patiebatur, at citra omne monitum à barbitonsore tractabatur: sed septimo die febris, convulsiones, tandemque ipsa mors supervenere.

XXXI.

Vulnera Cranij

Itidem in diversis: ad rimæ deletionem diligenter scalpro radebat: convenientemque curam adhibebat: Trepanum ab ipso admotum vix semel meminì, neque tamen ægri periclitabantur.

XXXII.

XXXII.

Vulnera Cranij penetrantia

Itidem diversa, quibus primis diebus cum serico Ol. Hyperic. c. Spir. Vin. vel Balsamum Hispan. ad Meninges imponebat, mox ossi, vulnereque convenientia aptabat medicamenta, brevique sic restituebat.

XXXIII

Fungus ex vulnere cerebri

Quem miles ex discolo & effrato sclopeto contraxerat, in fronte; quotidie subnascentem, ita, ut, licet forfice decideretur, nihilominus per noctem rursus succresceret: Vixit hic ad tres, si recte memini, septimanas: tandem convulsus obiit.

XXXIV.

Contusiones Capitis.

In militibus, qui impenetrabilitatem, uti vocant, artibus diabolicis impetrarunt, postea à rusticis egregie excepti fuerunt, quorum aliqui in Xenodochio decubuerant: Caput nimirum ratum,

sum, Ol. Rosac. inunctum, desuperquo
Cataplasma ex repellentibus & discuti-
entibus impositum,, non neglectis medi-
camentis internis & Venæsectione.

XX XV.

*Cutis Frontis ad palmæ magnitudi-
nem ex casu secedens*

In Juvene; sanguine mundata, citra
futuram tamen, beneficio Emplastro-
rum & naturæ rursus agglutinata.

XXXVI.

Vulnera sclopeto infixa in femore

Supra genu cum ossis effractione in
duobus militibus, quæ ritè tractata qui-
dem, sed impatientia ægrorum & inordi-
nata victus ratione, ambo intra quatuor
hebdomadam spatium fuere letalia.

XXXVII.

Vulnus sclopeto infixum Humeri

Ad musculum Deltoideum intro, &
supra articulationem Cubiti rursus ex-
iens, itidem in milite: postquam dolori
prospectum, pusque procuratum brevi
convaleuit.

XXXVIII.

Vulnera in articulo cubiti

Alterum sclopeto, alterum acinace factum, quibus utrinque fluxus aquosus, quem *Glidwasser* vocant, supervenit, cumque ambobus olecranon perierit, & totum exemtum fuerit, brachium amplius ad extensionem ineptum fuit red-
ditum.

XXXIX.

Vulnera Metatarsi

Alterum in rustico sclopeto inflitum; alterum telo præacuto, quod fibro capiendo directum erat: cujus extremitas utrinque incurvata lima primo fuit demenda, quo ad extrahendum aptum foret; mirum intra tot ossium læsiones nulla schidia separata fuisse; Citra omnem noxam consolidata fuerunt, postquam ex artis præscripto tractationem susceperunt.

XL.

Vulnera ex ictu fusorum

Spindelspitze: quas intro in carne
latentes

latentes feliciter expulit adeps leporinus cum pilis leporinis parti adversæ applicitus, ita ut nunquam istiusmodi remedium fefellerit.

XL I.

Mamma resecta

Scrophulis tumida, metumque cancri injiciens, in Matrona honesta, animique præsentis: quæ operatio ritè peracta, locusque affectus intra paucum tempus consolidatus fuit.

XL II.

Sphacelus digitorum pedis

In senē citra præcedentem causam externam: Marcor verò senilis & mors appropinquans istius causa fuerunt: nam apparente hoc, intra biduum fatis concessit.

XL III.

Sphacelus

Ex neglecta cura aphtharum in Infante, miserum spectaculum: nam & Gingivæ & labia jam planè nigra erant, cum


foetore intolerabili; qui affectus intra paucos dies vitam ademerunt.

LXIV.

Patellæ fractura.

In Duum Viro Dn. Dan. Besserer / & Georg Braunen / Ephippiario, Ulmenfibus, qui per vitæ reliquum tempus ab initio minùs rectè tractati claudicare sunt coacti: robur enim nullum firmiter pedi infistendi habuerunt, sed pedem semper prorsum verfùs inclinare, affirmarunt.

F I N I S.



I N D E X

O B S E R V A T I O N U M.

- A**bscessus ad os sacrum. XXIX.
 Anus clausa scalpello reſerata. XII.
 Ascites per Umbilicum. XVIII.
 Cancer labij inferioris. III.
 oculi ſiniſt. II.
 Cancroſum ulcus oculos depaſcens. XXIII.

Conz



Contusiones capitis. XXXIV.

Cranij fissura cum depressione. VI.

*Cutis frontis ad palmæ magnitudinem ex
casu secedens. XXXV.*

Femoris fractura cum vulnere. XXVI.

Fungus ex vulnere cerebri. XXXIII.

Hernia umbilicalis. XVII.

Hypospadias. XXIV.

Iliaca Passio. XIV.

Intestini Vulnus. XIII.

Lapillus ex hæmorrhoidibus. IX.

Mamma resecta. XLI.

Manus inflammata. XXVII.

*Mors musculi temporalis & Nasi osium
percussionem excipiens. IV.*

Partus monstrosus. XI.

Patella fractura. XLIV.

Penis ligatura mirè vulneratus. VIII.

*Pes uterque frigoris vi corruptus & ampu-
tatus. VII.*

*Sarcoma uteri orificium externum occupans
X.*

Scroti scirrhus. XXVIII.

Sphacelus. XLIII.

digitorum pedis. XLII.

Spina



Spinae dorsi fractura. XV.

Steatoma insignis magnitudinis. XXI.

Ventriculi vulnus. V.

Verruca Menyngis dura. I.

Vesica disrupta. XIX.

Urina per Umbilicum. XX.

Vulnera capitis. XXX.

cranii. XXXI.

penetrantia. XXXII.

ex ictu fusorum. XL.

in articulo cubiti. XXXVIII.

Metatarsi. XXXIX.

Sclopeto infixi in femore. XXXVI.


Thoracis. XXV.

Vulnus ad maiorem oculi sinistri canthum.


XVI.

in ipso femoris articulo. XXI.

Sclopeto infixum humeri. XXXVII.







Mecklin. 1866. 1.

